


DS
735
A2586
1771a
V. 11



御批歷代通鑑輯覽卷之二十一

後漢

起光武帝建武元年乙酉至獻帝建安二十五年庚子共十二帝一百九十六年

世祖光武皇帝

帝名秀字文叔南陽蔡陽

漢縣故城在今湖北襄陽府棗陽縣

人高祖九

世孫出自景帝子長沙定王

系見前

生之歲有嘉禾一莖

九穗之瑞故名

特有望氣者至春陵曰氣佳哉鬱鬱然

莽末起兵

貨曰貨泉人以其字為白水真人後帝竟從白水起

復興漢室乃即帝位

乙酉

建武元年夏六月蕭王即皇帝位改元大赦

王自薊還至中山諸將請上尊號

先是寇薊馬異擊破朱鮪殺檄上狀諸將

入賀馬武進曰大王宜先即尊位乃議征伐今此諸賊而馳驚逐之乎王曰將軍言可斬也武曰諸將盡然王

使出曉之王不許到南平棘今漢縣故城在諸將復固請至是復請

御批歷代通鑑輯覽卷之二十一

後漢

起光武帝建武元年乙酉至獻帝建安二十五年庚子共十二帝一百九十六年

世祖光武皇帝

帝名秀字文叔南陽蔡陽

漢縣故城在今湖北襄陽府棗陽縣

人高祖九

世孫出自景帝子長沙定王

系見前

生之歲有嘉禾一莖

九穗之瑞故名

時有望氣者至春陵曰氣佳哉鬱鬱葱葱然

莽末起兵

先是莽改

貨曰貨泉人以其字為白水真人後帝竟從白水起

復興漢室乃即帝位

乙酉

建武元年夏六月蕭王即皇帝位改元大赦

王自薊還至中山諸將請上尊號

先是寇恂馬異擊破朱鮪移檄上狀諸將

入賀馬武進曰大王宜先即尊位乃議征伐今此誰賊而馳驚逐之乎王曰將軍言可斬也武曰諸將盡然王

使出曉之王不許

到南平棘

漢縣故城在今直隸趙州

諸將復固請

世以光武信圖讖為非然
時承喪亂眾志未齊出險
濟艱自不得不假神道以
設教耳此不足為盛德之
景觀後寶融之言可知向
亦作論及之

王曰寇賊未平。四面受敵。何遽欲正位號乎。諸將且出。
耿純進曰。士大夫捐親戚。棄土壤。從大王于矢石之間。
者。其計固欲攀龍鱗。附鳳翼。以成其所志耳。今大王留。
時逆眾。不正號位。士大夫望絕計窮。有去歸之思。大衆。
一散。難可復合。純言甚誠切。王深感曰。吾將思之。行至。
鄆。漢縣。故城在今趙州高邑縣。召馮異問四方動靜。異曰。更始必敗。
宗廟之憂。在于大王。會儒生彊華。彊。風俗通作彊。王微時在長安。常與華同舍。
自關中奉赤伏符。識記之書曰符。漢尚火德。赤。火色。伏。藏也。來詣王。其文曰。劉秀發兵捕不道。四裔雲集龍鬬野。四七之際。火為主。四七。二十八也。自高祖至光武初起。合二百二十八年。
為四七。羣臣因復奏請。乃即位于鄆南。改元曰建武。大。
赦天下。改鄆曰高邑。

長安亂

張卬與諸將議曰。赤眉且至。見滅不久。不如掠長安而歸南陽。事若不集。復入湖池中爲盜耳。入說更始。更始

怒。使王匡。陳牧。成丹。趙萌。屯新豐。李松軍振。

續漢志。新豐有鴻門。

亭。卽振城。以拒赤眉。卬與申屠建。隗囂。

囂降更始。爲御史大夫。

合謀。欲共劫更始。成前計。更始知之。斬建。使兵圍囂第。

卬等勒兵燒門入戰。更始大敗。奔新豐。復疑王匡等與

卬合謀。乃並召入。牧。丹。先至。斬之。匡入長安。與卬等合。

更始攻之。連戰月餘。匡等敗走。更始乃復入。

隗囂走歸天水。

赤眉以劉盆子稱帝。

赤眉進至華陰。方望弟陽。怨更始殺其兄。乃說樊崇等

曰將軍擁百萬之衆西向帝城而名爲羣賊不可以久

不如立宗室挾義誅伐以此號令誰敢不從崇等以爲

然乃于軍中求城陽景王章之後時赤眉軍中有齊巫常祠景王巫誑言王

怒曰當爲縣官何故作賊諸將驚怪又以方陽言乃求景王後得七十餘人唯盆子最

親盆子者故式侯萌之子赤眉掠盆子與其二兄恭茂俱在軍中恭見更始洛陽紹封式侯隨入關茂與盆

子留赤眉中爲劉俠卿牧牛號曰牛吏崇等議所立盆子以探符得之遂共立爲天子徐

爲丞相樊崇爲御史大夫逢安爲左大司馬謝祿爲右大司馬楊音以下皆列卿時盆子年十

五被髮徒跣見諸將皆稱臣拜恐怖欲啼盆子雖立仍歸俠卿所時

欲出從牧兒戲俠卿怒止之崇等亦不復候視

秋七月以鄧禹爲大司徒王梁爲大司空吳漢爲大司馬

伏湛伏氏出伏羲之後湛字惠公琅邪東武人勝九世孫爲尙書令

帝使使持節拜禹大司徒。

封鄼侯。

按赤伏符以梁爲大司

空。

符曰。王梁主衛作元武。時梁爲野王令。帝以野王衛地。元武水神司空。水土官特拔梁爲之。

又欲

以讖文用孫咸行大司馬。衆不悅。乃拜漢初更始以伏

湛爲平原太守。時天下兵起。湛獨晏然撫循百姓。一境

以全。帝徵爲尚書。使定舊制。又以禹西征。拜湛爲司直。

行尚書事。

胡三省注。東都之司徒。西都之丞相也。司直。卽丞相司直。

九月。赤眉入長安。更始奔高陵。

注見前。

詔封更始爲淮陽王。

王匡。張卬。迎降赤眉。連兵而進。遂入長安。更始單騎走。

先是。式侯恭以赤眉立其弟。自繫詔獄。聞敗。乃出。從更

始于渭濱。至高陵。將相皆降。唯丞相曹竟不降。手劍格

死。帝憐更始破敗。詔封爲淮陽王。

賕賂之漸率濫觴於饋遺卓茂力斥奸民似矣使猾吏困米肉不問肆行苞苴援禮廢律害民又可訓乎此亭長亦予以薄譴爲宜

以卓茂

字子康南陽宛人

爲太傅封褒德侯

茂寬仁恭愛哀平間爲密

漢縣今屬河南開封府

令視民如子舉

善而教口無惡言吏民親愛不忍欺之

民嘗有言部亭長受其米肉遺

者茂曰亭長爲從汝求乎爲汝有事囑之而受乎將平居自以恩義遺之乎民曰往遺之耳茂曰遺之而受何

故言邪民曰竊聞賢明之君使民不畏吏吏不取民今我畏吏是以遺之吏既卒受故來言耳茂曰汝爲敝民

久矣凡人所以異于禽獸者以有仁愛禮義知相敬事也汝獨不欲修之寧能高飛遠走不在人間邪吏顧不

當乘威力彊請求耳亭長素善吏歲時遺之禮也民曰苟如此律何故禁之茂笑曰律設大法禮順人情今我

以禮教汝汝必無怨惡以律治汝汝何所措其手足乎一門之內小者可論大者可殺也且歸念之數年

教化大行道不拾遺遷京部丞

平帝時王莽置主勸農桑

密人老少

皆涕泣隨送及王莽居攝以病免歸上卽位先訪求茂

茂時年七十餘詔曰夫名冠天下當受天下重賞今以

茂爲太傅。封褒德侯。

朱鮪以洛陽降。冬十月。帝入都之。

帝遣吳漢率朱祐

字仲先。宛人。

等十一將軍圍朱鮪于洛陽。

數月不下。帝以岑彭嘗爲鮪校尉。令往說之。鮪曰。大司

徒被害時。鮪與其謀。又諫更始無遣蕭王北伐。自知罪

深。不敢降。彭還言之。帝曰。舉大事者。不忌小怨。鮪今若

降。官爵可保。況誅罰乎。河水在此。吾不食言。彭復往告。

鮪乃降。

鮪封扶溝侯。傳累世。

十月。車駕入洛陽。幸南宮。

注見前。

遂定

都焉。

侍御史杜詩安集洛陽。將軍蕭廣縱兵暴橫。詩敕曉不改。遂格殺廣。上召見詩。賜棨戟。擢任之。杜

詩字君公。河內汲人。棨戟。前驅之器。以赤油韜之。亦謂之油戟。王公以下皆用之。

淮陽王降于赤眉。尋被殺。

赤眉下書曰。聖公降者。封長沙王。過二十日。勿受。更始乃遣劉恭請降。赤眉使謝祿受之。劉恭請如本約。樊崇等封更始為長沙王。常依謝祿居。恭亦擁護之。已。三輔苦赤眉暴虐。欲盜出更始。張卬等以為慮。使謝祿縊殺之。劉恭夜往藏其屍。帝使鄧禹葬之于霸陵。

鄧禹引軍屯枸邑。

漢縣。故城在今陝西邠州三水縣。

禹擊定河東。

斬更始將樊參。劉均等。

遂渡河。破左輔兵。

更始左輔都尉公乘。

歙。引眾十萬。拒禹。禹擊破之。

是時。劉盆子居長樂宮。兵士暴掠百姓。

不知所歸。聞禹乘勝獨克。師行有紀。皆望風相攜負以迎。禹輒停車駐節。以勞來之。垂髻戴白。滿其車下。莫不感悅。于是名震關西。諸將皆勸禹徑攻長安。禹曰。吾眾

雖多。能戰者少。前無可仰之積。後無轉饋之資。赤眉新入長安。財賦方盛。鋒銳未可當。夫盜賊羣居。無終日計。變故萬端。非能堅守者也。上郡北地安定。注俱見前。饒穀多畜。吾且休兵北道。就糧養士。觀其敝。乃可圖也。于是引軍北至枸邑。所至郡縣皆開門歸附。頃之將軍馮愔宗歆爭權相攻。愔遂殺歆。因反擊禹。帝聞之。使尚書宗廣諭降愔。愔護軍黃防縛愔歸罪。廣并降更始諸將王匡成丹等。至安邑盡誅之。

十一月。梁王永稱帝。

十二月。隗囂據天水。

漢郡治平襄。故城在今甘肅鞏昌府通渭縣。

自稱西州上

將軍。

囂歸天水。招聚其衆。復據故地。自稱西州上將軍。三輔

士大夫避亂者多歸之。囂傾身引接，為布衣交，以范滂

平陵人為師友。鄭興字少贛，河南開封人。為祭酒。申屠剛見前。杜林

字伯山，扶風茂陵人。為治書。馬援字文淵，茂陵人。王元字惠孟，杜陵人。等為將軍。

班彪字叔皮，穉之子。之屬為賓客。由是名震西州。聞于山東。馬援

少時，以家用不足，辭其兄况，欲就邊郡田牧。况曰：汝大

才，當晚成。良工不示人以璞，且從所好。遂至北地牧田。

常曰：丈夫為志，窮當益堅，老當益壯。後有畜數千頭，穀

數萬斛。既而歎曰：凡殖財產，貴其能賑施也。否則守錢

虜耳。乃盡散於親舊，聞隗囂好士，往從之，囂甚敬重，與決籌策。

竇融字周公，扶風平陵人。廣國七世孫。據河西，自稱五郡武威、張掖、酒泉、敦煌、金城是為

河西大將軍。竇融累世仕宦河西，知其土俗。更始時，私謂兄弟曰：天

下安危未可知。河西殷富，帶河為固，張掖屬國，精兵萬

騎一旦緩急杜絕河津足以自守此遺種處也。章懷曰遺留也

可以保全乃因趙萌求為都尉融既到撫結雄傑懷輯

羌虜得其歡心與酒泉太守梁統字仲寧安定烏氏人等金城太守

張掖都尉史苞酒泉都尉竺曾敦煌都尉辛彤庫鈞

章懷曰庫氏倉庫吏後今羌中有姓庫者音舍承鈞之

後也史苞茂陵人五人尤厚善及更始敗融與統等計

竺氏孤竹君之後議曰今天下擾亂未知所歸河西斗絕在羌胡中不

議同心戮力則不能守權均力齊復無以相率當推一

人為大將軍共全五郡觀時變動議既定眾推統統辭乃推融行河西

五郡大將軍事以梁統為武威太守史苞為張掖太守

庫鈞為金城太守如故而融亦仍居河西民俗質樸融

屬國領都尉職置從事監察五郡等政亦寬和上下相親晏然富殖羌胡咸服流民歸之

盧芳字君期安定三水人據安定自稱西平王匈奴迎之立以為漢

帝。

王莽時。天下咸思漢德。盧芳詐稱武帝曾孫劉文伯。誑惑安定間。及更始敗。芳自立爲上將軍西平王。使使與匈奴結和親。單于以漢中絕。劉氏來歸。當如漢立呼韓邪。令尊事我。乃使騎迎芳入匈奴。立爲漢帝。四年。五原人李興等迎芳入塞。居九原縣。芳自稱天子。與匈奴通兵。侵苦北邊。

鄧禹承制。以隗囂爲西州大將軍。胡三省注。承制。言承制詔而命之也。後之承制

始。

馮愔之叛也。引兵西向天水。囂擊破之。于是禹承製造

使持節。命囂爲西州大將軍。得專制涼州。朔方。注。俱事見前。

丙戌二年春正月甲子朔日食。

劉恭知赤眉必敗。密教弟盆子歸璽綬。習爲辭讓之言。及是日大會。盆子下牀解璽綬。叩頭曰。今設置縣官。而爲賊如故。四方怨恨。不復信向。此皆立非其所致。願乞骸骨。避賢聖路。必欲殺盆子以塞責者。無所離死。因涕泣噓唏。崇等憐之。避席頓首曰。臣無狀。負陛下。請後不敢。因共抱持盆子。帶以璽綬。盆子號呼。不得已。旣罷出。各閉營自守。三輔翕然稱天子聰明。百姓爭還長安市里。且滿。後二十餘日。復出大掠如故。

悉封諸功臣爲列侯。

策曰。在上不驕。高而不危。制節謹度。滿而不溢。敬之戒之。傳爾子孫。長爲漢藩。

陰鄉侯陰識。貴人之兄也。以軍功當增封。識叩頭讓曰。臣託屬

掖庭仍加爵土。不可以示天下。帝從之。

陰氏齊管郎

仲七世孫修為楚陰大夫。因氏焉。識字次伯新野人。郎

中馮勤。

字偉伯魏郡繁陽人。

與諸侯封事。差量功次輕重。國土遠

近。地勢豐薄。不相踰越。莫不厭服焉。帝以為能。尚書衆

事。令總錄之。

故事尚書郎以令史久次補。帝始用孝廉為之。

立宗廟郊社于洛陽。

起高廟于洛陽。四時合祀高祖。太宗。世宗。建社稷于宗

廟之右。立郊兆于城南。

赤眉西掠安定。北地。鄧禹入長安。

長安城中食盡。赤眉收載珍寶。大縱火燒宮室。引兵而

西。衆號百萬。自南山轉掠城邑。遂入安定。北地。于是鄧

禹南至長安。謁高廟。收十一帝神主。送詣洛陽。埽除園

陵置吏士奉守。是秋九月赤眉欲上隴。隗囂遣將迎擊。鄧禹擊之。反為所敗。禹乃出之雲陽。赤眉遂復入長安。時延岑屯杜陵。赤眉將逢安擊之。岑大破安軍。死者十餘萬人。

真定王楊謀反。伏誅。

楊造讖記。

楊病瘰。因造讖記曰。赤九之後。瘰楊為主。以此惑眾。

與綿蔓

漢縣。故城在今直隸

正定府獲鹿縣。

賊交通。帝遣將軍耿純持節行幽冀。密敕收楊

純至真定。邀楊相見。

純真定宗室之出。故楊不以為疑。

因閉閣誅之。

二月。帝幸修武。

漢縣。今河南衛輝府獲嘉縣。是懷慶之修武。漢山陽縣也。

鮑永來降。

先是更始上黨太守田邑知更始敗。舉郡來降。帝因遣

使者持節徵鮑永。永與其將軍馮衍。

衍自說廉丹不聽。乃亡命河東。會永

至。以為立

疑不肯降。

或言更始隨

收繫使者。遣使至長

安。訶問虛實至是。永衍審知更始已亡。乃發喪。出使者。封上印綬。悉罷兵。幅巾詣河內。帝見永。問曰。卿衆安在。永叩頭曰。臣事更始。不能令全。誠慚以其衆幸富貴。故悉罷之。帝曰。卿言大而意不悅。旣而永以立功見用。衍遂廢棄。永謂衍曰。昔高祖賞季布之罪。誅丁固之功。今遭明主。亦何憂哉。衍曰。天命難知。人道易守。守道之臣。何患死亡。

大司空梁罷以宋弘

字仲子。長安人。

爲大司空。

封宜平侯。

弘薦桓譚

帝問弘通傳之士。乃薦譚。

爲議郎給事中。帝令譚鼓琴。愛

其繁聲。弘聞之不悅。伺譚出。朝服坐府上。遣吏召譚至。不與席而讓之。譚頓首謝。良久乃已。後大會羣臣。帝使譚鼓琴。譚見弘失其常度。帝怪而問之。弘免冠謝曰。所

以薦譚者。望能以忠直導主。而令朝廷耽悅鄭聲。臣之

罪也。帝改容謝之。

湖陽公主新寡。帝與共語朝臣。微觀其意。主曰。宋公威容德器。羣臣莫及。

後弘被引見。帝令主坐屏風後。因謂弘曰。諺云。貴易交。富易妻。人情乎。弘曰。臣聞貧賤之交不可忘。糟糠之妻不下堂。帝顧謂主曰。事不諧矣。

湖陽公主。帝長姊。名黃。

漁陽太守彭寵反。

帝之討王郎也。彭寵發突騎。轉糧食。前後不絕。及帝追

銅馬至薊。寵自負其功。意望甚高。帝接之不能滿。帝卽

位。吳漢。王梁。爲三公。寵愈怏怏。幽州牧朱浮

字叔元。沛國蕭人。

年少。欲厲風迹。收士心。辟召州中名宿。多發倉穀廩贍之。寵以爲師旅方起。不宜多置官屬。以損軍實。不從其令。浮數譖寵。上輒漏泄。令寵聞。以脅恐之。至是徵寵。寵

益自疑。

其妻素剛。固勸母就徵。

帝遣寵從弟子后蘭卿往喻寵留

之。遂發兵反。攻浮于薊。

又數遣使要誘耿况。况斬其使。

延岑反。據漢中。公孫述擊取之。

延岑復反。漢中王嘉敗走岑。遂據漢中。為更始將李寶

所破。走天水。公孫述遂取南鄭。嘉擊之。不利。岑引北入

散關。

在今陝西漢中府鳳縣東北。

嘉追擊破之。述遣將從閬中

今縣本漢

置四川保寧府治。

下江州。

漢縣。注見前。

東據扞關。

注亦見前。

于是盡有益

州之地。

遣執金吾賈復擊郾。大司馬吳漢擊宛。皆降之。

更始諸大將在南方。未降者尚多。帝召諸將議曰。郾最

彊。宛為次。誰當擊之。賈復率然對曰。臣請擊郾。帝笑曰。

不知部將殺人之非反欲
譬執法之太守妄斯甚矣
時方需材不得不委曲
解紛以收其用觀于天下
未定二言可知否則光武
何如主而作和事老人耶

執金吾擊郾。吾復何憂。大司馬當擊宛。遂遣復擊郾。破

之。尹尊降。漢擊宛。宛王賜奉更始妻子。詣洛陽降。帝封

賜爲愼侯。是秋。賈復擊召陵。新息。皆平之。復部將殺人。于潁川。太守寇恂戮之。復以爲耻。欲殺恂。恂

知之。不欲與相見。姊子谷崇曰。崇將也。得帶劍侍側。有
變。足以相當。恂曰。不然。昔蘭相如。不畏秦王。而屈于廉

頗者。爲國也。乃敕縣屬盛供具。儲酒醪。執金吾軍入界。
一人皆兼二人之饌。恂出迎于道。稱疾而還。復勒兵欲

追之。而吏士皆醉。遂過去。恂遣谷崇以狀聞。帝乃徵恂。
恂至。引見。時復先坐在。欲起避之。帝曰。天下未定。兩虎

安得私鬪。今日朕分之。于是並
坐。極歡。遂共車同出。結友而去。

封諸宗室爲王侯。後漢諸王國所治邑多仍前漢。餘或徙置不一。今不具注。因事附見。

帝叔父良。字次伯。帝兄弟少孤。良撫循甚篤。及兵起。良從軍。更始立以爲國三老。隨入關。族父

歙。字經孫。其子終與帝少相親愛。更始入關。封歙元氏王。終爲侍中。族兄祉。陵。字巨伯。春

之子。更始封爲定陶王。皆自長安來。于是封良爲廣陽王。後徙封趙。歙

為泗水王。祉為城陽王。歙子終為淄川王。又封兄續子

章

續長子

為太原王。

後徙封齊

與續次

為魯王。

嗣帝兄仲

更始三子

求、歆、鯉皆為列侯。

帝以伯升首起遭害。小長安之敗。兄仲及姊元俱歿。亂兵乃追謚伯升為

齊武王。仲為魯哀王。姊元為新野節義長公主。

夏六月立貴人郭氏為皇后。子彊為皇太子。

初帝從更始在宛。納新野陰氏之女麗華。

帝微時。適新野。聞麗華美。

心悅之。及至長安。見執金吾車騎甚盛。因嘆曰。既即位。仕宦當作執金吾。娶妻當得陰麗華。故遂納焉。

遣使迎至。立為貴人。帝以貴人雅性寬仁。欲立為后。貴

人以郭貴人有子。辭不肯當。乃立郭后。

秋八月。帝自將征五校。降之。

帝幸內黃。

漢縣。今屬河南彰德府。

自率諸將大破五校于薳。

許宜反。

陽聚名水經注作內黃縣東降其衆五萬人先是刁子都爲其部曲所殺餘黨與

諸賊會檀鄉因號檀鄉賊是年渡河與五校合寇魏郡清河帝遣吳漢等擊破之降者十餘萬漢又與馮異擊

五樓五幡諸賊皆破之三年吳漢率耿弇蓋延擊破青犢于軹西四年漢又擊破五校于箕山是冬漢率耿弇

王常等擊富平獲索于平原五年春漢大破賊衆因追討餘黨進至渤海皆平之于是諸賊悉定檀鄉亦曰

檀城在今山東兗州府滋陽縣北軹漢縣注見前箕山在今山東東昌府濮州東

將軍蓋延克睢陽劉永走湖陵注見前

帝遣蓋延督馬武等四將軍伐永故更始將蘇茂與俱

軍中不相能茂遂反據廣樂故城在今河南歸德府虞城縣降永永封爲淮

陽王延等擊破永別將遂圍睢陽數月克之永奔譙故城在今江南

在府亳州茂與佼彊周建合軍三萬人救永延與戰

于沛西大破之茂奔還廣樂彊建從永走保湖陵明年吳漢

等圍蘇茂于廣樂。周建率眾救茂。茂建戰敗。棄城復還湖陵。

漢中王嘉降。

故更始將廖湛以赤眉十萬眾擊嘉。嘉大敗之。遂就穀雲陽。帝素與嘉善。令鄧禹招之。嘉妻兄來歙。字君叔。新野人。帝之姑子也。亦勸嘉。乃詣禹降。至洛陽。帝封爲順陽侯。

將軍鄧奉反。

吳漢徇南陽。多侵暴。鄧奉謁歸新野。怨漢掠其鄉里。遂反。攻破漢軍。屯涪陽。漢縣。故城在今南陽府南召縣。與諸賊合從。先是

王常自鄧來歸。

更始封常爲鄧王。

帝慰勞之甚歡。及奉反。帝于

大會中。指常謂羣臣曰。此家率下江諸軍。輔翼漢室。心如金石。真忠臣也。即日拜漢忠將軍。使與岑彭等討奉。

時堵陽人董訢反宛城。揚化將軍堅鐔攻宛。拔之。訢走堵鄉。與鄧奉合。

者音者。章懷曰。堵鄉在方城縣。方城

今南陽府裕州是。堅鐔字子伋。潁川襄邑人。

遣將軍馮異入關。徵鄧禹還京師。

鄧禹戰數不利。歸附者日散。帝乃遣馮異代之。敕異曰。三輔遭王莽更始之亂。重以赤眉。延岑之酷。元元塗炭。無所依訴。將軍奉辭討諸不軌。營堡降者。遣其渠帥詣京師。散其小民。令就農桑。壞其營壁。無使復聚。征伐非必略地屠城。要在平定安集之耳。諸將非不健鬪。然好虜掠。卿本能御吏士。念自修敕。無爲郡縣所苦。異頓首受命。所至布威信。羣盜多降。又詔徵鄧禹還。曰。慎毋與窮寇爭鋒。赤眉無穀。自當來降。吾以飽待饑。以逸待勞。

折箠笞之。非諸將憂也。無得復妄進兵。

詔復宗室列侯爲莽所絕者。

三輔大饑。赤眉東出。馮異與戰。破之。

三輔大饑。人相食。城郭皆空。白骨蔽野。遺民往往聚爲

營堡。各堅壁清野。赤眉虜掠無所得。乃引而東。帝遣侯

進屯新安。注見前。耿弇屯宜陽。注亦見前。敕曰。賊若東走。可引

宜陽兵會新安。南走。可引新安兵會宜陽。馮異與赤眉

遇於華陰。戰數十合。降五千餘人。

丁亥三年春正月。以馮異爲征西大將軍。

鄧禹馮異與赤眉戰。敗績。

鄧禹慚于受任無功。數以饑卒徼赤眉。戰輒不利。及與

韓信背水之戰。何嘗非置之死地而後勝哉。禹異之敗。其必有致敗之由。謬以

飢卒徵戰為禹罪則是不知兵機而貽畏難選情者流以口實矣謂禹為忿兵無成或庶幾耳

馮異遇。乃要異共攻之。異曰。賊眾尚多。可以恩信傾誘。難卒用兵破也。禹不從。遂戰。軍潰。既而復戰。又大敗。禹以二十四騎脫歸宜陽。異棄馬。走上回谿坂。與麾下數人歸營。收其散卒。堅壁自守。鄧禹上大司徒印綬。詔以為右將軍。立四親廟于洛陽。

親親祀父南頓君以上。至舂陵節侯。舂陵節侯。鬱林太守。鉅鹿都尉南頓令。是為四

馮異大破赤眉于崤底。崤山之底。即二崤也。注見前。賊眾東走。帝勒軍

宜陽。降之。得傳國璽綬。

異與赤眉約期會戰。預使壯士變服與赤眉同。伏于道側。迨賊悉眾攻異。異乃縱兵大戰。日昃。賊氣衰。伏兵卒

起衣服相亂。不復識別。遂驚潰。追擊大破于峭底。降男女八萬人。帝降璽書勞異曰。始雖垂翅回谿。終能奮翼澠池。可謂失之東隅。收之桑榆。赤眉餘衆東向宜陽。帝親勒六軍。嚴陳以待之。赤眉忽遇大軍。驚震。乃遣劉恭乞降。曰。盆子將百萬衆降。陛下何以待之。帝曰。待汝以不死耳。丙午。盆子及丞相徐宣以下肉袒降。上所得傳國璽綬。積兵甲宜陽城西。與熊耳山。在今河南陝州盧氏縣南。齊時赤眉衆尙十餘萬人。帝令縣厨皆賜食。明旦。陳兵臨雒水。令盆子君臣列而觀之。帝謂樊崇等曰。得無悔降乎。朕今遣卿歸營。勒兵鳴鼓相攻。決其勝負。不欲強相服也。徐宣等叩頭曰。臣等出長安東都門。君臣計議。歸命。

伏隆見危授命正氣凜然
光武且許求還之言姑以
寬慰其父耳豈意欲其詭
辭幸免乎

聖德今日得降猶去虎口歸慈母誠懼誠喜無所恨也

帝曰卿所謂鐵中錚錚傭中佼佼者也賜樊崇等洛陽

田宅帝憐盆子以爲趙王郎中劉恭爲更始報讐殺謝祿自繫獄帝赦不誅樊

崇逢安後反伏誅徐宣楊音卒于鄉里

二月劉永立董憲爲海西漢縣故城在今江南海州王張步爲齊王步

殺光祿大夫伏隆字文伯湛之子

青徐羣盜張步等聞劉永破敗皆惶怖請降帝使伏隆

持節安輯二州拜步東萊太守永聞之卽馳使封步爲

齊王并封董憲爲海西王步貪王爵欲留隆隆不聽求

得反命步遂執隆而受永封隆遣閒使上書曰臣雖困

阨授命不顧願以時進兵無以臣隆爲念帝得奏召其

父湛流涕示之曰恨不且許而遽求還也其後步遂殺

之

帝方北憂漁陽南事梁楚故步得專集齊地據郡十二

三月以伏湛爲大司徒

彭寵自稱燕王

朱浮以帝不自征彭寵上疏求救詔報曰度此反虜勢

無久全其中必有內相斬者今軍資未充故須後麥耳

浮城中糧盡人相食會耿况遣騎來救浮乃脫身走薊

城遂降于彭寵寵自稱燕王

涿郡太守張豐好方術有道士言豐當爲天子以五

綵囊裹石繫豐肘云石中有玉璽豐信之遂反與彭寵

連兵明年祭遵等討豐禽之人爲椎破之豐乃知被

詐仰天歎曰當死無恨
帝自將征鄧奉夏四月奉降誅之

帝至堵陽。

漢縣。故城在今南陽府裕州。

董訢降。奉逃歸。帝追之。至小

長安。大破之。奉肉袒。因朱祐降。

祐先爲奉所執。故因之請降。

帝憐奉。

欲宥之。岑彭耿弇諫曰。奉背恩反逆。陛下親在行。陳猶俟兵敗乃降。不誅無以懲惡。于是斬之。復朱祐位。

馮異擊延岑。破之。岑走南陽。關中平。

延岑旣破赤眉。欲據關中。時關中衆寇猶盛。

各稱將軍。據地擁兵。

多者萬餘人。少者數千人。

岑引之攻異。異擊大破之。諸營堡附岑者

皆來降。岑遂自武關走南陽。時百姓饑餓。道路斷隔。委輸不至。異軍中悉以果實爲糧。詔拜趙匡爲右扶風。將兵助異。并送縑穀。異兵食漸盛。乃稍誅擊豪傑。不從令者。褒賞降附有功勞者。悉遣諸營渠帥詣京師。散其衆。

歸本業。威行關中。餘寇悉平。

延岑攻南陽。耿弇大破之。遂走歸秦豐。岑護軍鄧仲

况據陰縣。劉歆孫龔為其謀主。前侍中蘇竟以書曉之。

仲况與龔降。竟終不伐其功。隱身樂道。壽終于家。延岑

後奔蜀。公孫述以為大司馬。漢陰縣故城在今湖

北襄陽府光化縣。蘇竟字伯况。平陵人。劉龔字孟公。

夏五月。帝還宮。

乙卯晦。日食。

秋七月。劉永將慶吾。

齊大夫慶父之後。以字為氏。

斬永降。蘇茂等復立

永子紆為梁王。

睢陽人反城迎永。蓋延圍之百日。永與蘇茂、周建突出。

將走鬱。

注見前。

諸將追急。永將慶吾斬永首以降。

封吾為列侯。

蘇茂、周建、奔垂惠。

聚名。在今江南。潁州府蒙城縣。

共立永子紆為梁王。

佼彊奔保西防。

明年秋。帝遣馬武。王霸圍劉紆。周建。于垂惠。又明年二月。蘇茂救建。馬武為茂

所敗奔過王霸營大呼求救。霸閉營堅壁。示不相援。茂乘勝前進。紆建亦悉出兵與武合戰良久。霸乃開營後出精騎襲其背。茂建前後受敵。敗走。霸武各歸營。茂建復聚兵挑戰。霸堅卧不出。方饗士。作倡樂。茂雨射營中。中霸前酒尊。霸安坐不動。茂建既不得戰。乃引還營。其夜建兄子誦閉城拒之。建于道死。茂奔下邳。與董憲合。紆奔佼彊。

冬十月。帝如舂陵。祠園廟。十一月。還宮。

李憲稱帝。

都舒。今廬州府舒城縣是。

置百官。擁九城。衆十餘萬。

遣大中大夫來歙使隗囂。

帝謂來歙曰。今西州未附。子陽稱帝。道里阻遠。思西州方略。未知所在。奈何。歙曰。臣嘗與隗囂遇長安。其人始起。以漢爲名。臣願得奉威命。開以丹青之信。囂必束手。

自歸則述自亡之執不足圖也。帝乃令歛使囂。囂腹心

議者多勸囂通使京師。乃奉奏詣闕。帝報以殊禮。

戊子

四年秋八月。帝如壽春。以侯霸

字君房。河內密人。

爲尚書令。

王莽末。天下亂。臨淮大尹侯霸獨能保全其郡。帝徵會
壽春。拜尚書令。時朝廷無故典。又少舊臣。霸明習故事。
收錄遺文。條奏前世善政法度。施行之。

冬十月。帝還宮。

隗囂遣馬援奉書入見。

囂使馬援往觀公孫述。援與述舊同里閭。相善。以爲既
一。至當握手歡如平生。而述盛陳陛衛見援。交拜禮畢。延
援就客館。備威儀。會日官爲援立舊交之位。述磬折而

人禮饗甚盛。欲留拔。拔謂其客曰。天下雌雄未定。公孫
不吐哺迎國士。與圖成敗。乃修飾邊幅。如偶人形。此何
足久留乎。因辭歸。謂囂曰。子陽井底蛙耳。而妄自尊大。
不如專意東方。囂乃使拔奉書洛陽。初到。良久。中黃門
引入。帝在宣德殿南廡下。袒幘坐。迎笑謂拔曰。卿遨遊
二帝間。今見卿。使人大慙。拔頓首辭謝。因曰。當今之世。
非但君擇臣。臣亦擇君矣。臣與公孫述同縣。少相善。臣
前至蜀。述陞戟而後進臣。臣今遠來。陛下何知非刺客
姦人。而簡易若是。帝復笑曰。卿非刺客。顧說客耳。拔曰。
天下反覆盜名字者。不可勝數。今見陛下恢廓大度。同
符高祖。乃知帝王自有真也。已遣來歙送拔歸隴右。是冬。

公孫述遣兵屯陳倉。將徇三輔。馮異迎擊大破之。囂遣兵佐異有功。帝報以手書。是後每與異合勢。挫述。述遣使以大司空扶安王印授囂。囂斬其使。以故蜀兵不復北出。陳倉秦縣。故城在今鳳翔府寶雞縣。

太傅褒德侯卓茂卒。

十二月。帝如黎邱。遣將軍朱祐圍秦豐。岑彭擊田戎。

初。帝征鄧奉還。遣岑彭南擊秦豐。豐拒彭于鄧。漢縣。即春秋鄧。

國。注見前。彭擊破之。豐與其大將蔡宏拒彭。兵不得進。彭乃聲言西擊山都。緩所獲虜。令得亡歸。告

豐。豐悉其衆西邀彭。彭乃潛軍渡沔。擊破豐。將張揚從川谷間伐木開道。直襲黎邱。擊破諸屯兵。山都。漢縣。故城在今襄陽縣。沔。漢水上流也。孔

安國曰。沔至漢中合漢。互相通稱。進圍黎邱。別遣將徇江東。

揚州。悉定。至是。凡三歲。斬首九萬餘級。豐餘兵裁千人。食且盡。帝幸黎邱。勞軍。招豐降。豐不肯降。帝以豐轉弱。令朱

祐代彭守之。使彭擊田戎。

戎聞秦豐被圍。懼。引兵至黎邱欲降。其妻兄誑之而先降。

高帝斬丁公固千古正義
然子密雖寵之逆奴而寵
賞國之叛臣與王之際削
平渠醜不得不行賞為招
徠殷義士周頑民其事可
反例也然封侯則已過而
又號以不義是誠何據耶

以書招戎戎怒其賣已遂亡歸夷陵彭進擊
大破之拔夷陵戎奔蜀公孫述以為翼江王

己丑五年春正月帝還宮

二月彭寵奴斬寵來降封奴為不義侯

寵妻數為惡夢又多見怪變寵以子后蘭卿質漢歸不
信之使將兵居外寵齋在便室蒼頭子密等三人因寵
卧寐共縛之收取金玉寶物夜解寵手令作記告城門
將軍開門書成斬寵及妻頭馳以詣闕明日官屬始覺
其尚書韓立等共立寵子午為王國師韓利斬午首詣
祭遵降夷其宗族帝封子密為不義侯

權德輿議曰伯通之叛命子密之戕君同歸于亂罪不
相蔽宜各致于法昭示王度反乃爵于五等又以不義
為名且舉以不義莫可侯也
此而可侯漢爵為不足勸矣

遣將軍耿弇討張步。

先是耿弇從容言于帝。自請北收上谷兵。定彭寵于漁陽。取張豐于涿郡。還收諸賊。東攻張步。以平齊地。帝壯其意。許之。至是弇與吳漢擊降羣賊于平原。因詔弇進討張步。弇率騎都尉劉歆字細君。植之從兄。泰山太守陳俊。引兵而東。

遣將軍龐萌。蓋延。擊董憲。萌反。帝自將討之。

龐萌爲人遜順。帝信愛之。

萌先爲更始冀州牧。將兵屬謝躬。躬敗。乃降。帝以爲侍中。

常稱曰。可以託六尺之孤。寄百里之命者。龐萌是也。拜平狄將軍。使與蓋延共擊董憲。時詔書獨下延。而不及萌。萌以延譖已。自疑。遂反。襲延軍破之。與董憲連和。帝

聞之。大怒。自將討萌。與諸將書曰。吾常以龐萌爲社稷之臣。將軍得毋笑其言乎。老賊當族。其各厲兵會睢陽。龐萌攻破彭城。將殺楚郡太守孫萌。郡吏劉平伏太守身上。號泣請代。身被七創。龐萌義而捨之。太守已絕復蘇。渴求飲。平傾創血以飲之。

夏四月旱蝗。

竇融遣使奉書入見。詔以融爲涼州牧。

初。竇融等聞帝威德。心欲東向。以河西隔遠。未能自通。乃從隗囂受建武正朔。囂皆假其將軍印綬。然囂內懷異心。使辯士張元說融等曰。更始事已成。尋復亡滅。此一姓不再興之效也。方今當各據土宇。與隴蜀合從。高可爲六國。下不失尉佗。融等召豪傑議之。皆曰。今皇帝

姓名見于圖書。前世

谷永夏賀良等

皆言漢有再受命之符。況

洛陽土地最廣。甲兵最強。號令最明。觀符命而察人事。

他姓殆未能當也。融遂決策東向。遣長史劉鈞等奉書

詣洛陽。時帝亦發使遺融書。遇鈞于道。與俱還。見帝。賜

融璽書曰。今益州有公孫子陽。天水有隗將軍。方蜀漢

相攻。權在將軍。舉足左右。便有輕重。以此言之。欲相厚

豈有量哉。欲遂立桓文。輔微國。當勉卒功業。欲三分鼎

足。連橫合從。亦宜以時定。今之議者。必有任囂教尉佗

制七郡之計。士者有分土。無分民。自適已事而已。因授

融涼州牧。璽書至河西。河西皆驚。以爲天子明見萬里

之外。

蜀有異志。必恃河西爲聲援。恐河西者亦必援尉佗爲往例。光武熟慮之。以一語伐其謀。先聲奪人。莫提於此。

六月。秦豐降。斬之。

豐窮困。降于朱祐。祐送洛陽。斬之。

董憲。劉紆。遣蘇茂。佼彊。救龐萌。帝自將擊破之。

董憲在下邳。聞帝自討萌。乃以劉紆還蘭陵。遣蘇茂。佼

彊助萌。合兵圍桃城。卽春秋桃邱。今山東泰安府東阿縣西南。有桃城舖。其旁邱尚存。

帝時幸蒙。漢縣。故城在今河南歸德府商邱縣。因自將征之。先理兵任城。

漢縣。今兗州府濟寧州是。馳使召吳漢。王常等至。乃率衆進救桃城。

帝親自搏戰。大破之。萌。茂。彊。夜走。從董憲。

秋。七月。帝如湖陵。佼彊降。蘇茂。奔張步。董憲。龐萌。奔朐。漢縣。

故城在今江南海州。梁人斬紆以降。

帝自沛進幸湖陵。董憲與劉紆悉其兵數萬人迎距。帝

親臨四面攻憲三日大破之。佼彊率其衆降。蘇茂東奔張步。憲萌走保胸。劉紆不知所歸。其軍士高扈斬其首降。吳漢進圍胸。

冬十月帝如魯使大司空弘祠孔子。

耿弇與張步戰大破之。帝勞弇軍步斬蘇茂以降。齊地悉平。

張步聞耿弇將至使其將費邑軍曆下。

故城在今山東濟南府歷城縣

治西城在歷山之下故名。

又令兵屯祝阿。

注見前。

別于泰山鍾城。

在今濟南

府禹城縣漢時地屬泰山郡故曰泰山鍾城。

列營數十以待之。弇渡河先拔

祝阿。

故開圍一角令其衆奔歸鍾城鍾城人聞祝阿已潰大恐懼遂空壁亡走誘致費邑于

巨里。

城名亦曰巨合城在歷城縣東。

擊斬之復進兵縱擊諸未下者遂

定濟南時張步都劇

止司前

使其弟藍將精兵二萬守西

安

漢縣故城在今青州府臨淄縣

諸郡太守合萬餘人守臨淄相去四

十里弇進軍居二城之間視西安城小而堅藍兵又精

臨淄名雖大而實易攻乃揚言欲攻西安而出不意攻

臨淄半日拔之入據其城藍棄西安歸劇于是步率兵

號二十萬至臨淄大城東攻弇弇故示弱以盛其氣使

都尉劉歆與戰弇引精兵橫突步陳于東城下大破之

時帝在魯聞弇為步所攻自往救之未至陳俊謂弇曰

劇虜兵盛可且閉營休士以須上來弇曰乘輿且到臣

子當擊牛釃酒以待百官敢以賊虜遺君父邪乃出兵

大戰復大破之步還劇兄弟各分兵散去數日車駕至

不以賊遺君父非獨忠忱
懇到亦足以振三軍之氣
明子仁擒宸濠事跡雖
相類然正德直以賊為戲
又豈宜從不可以臨淄為

北也

卷之三

三

臨淄。自勞軍。羣臣大會。帝謂弇曰。昔韓信破歷下以開
 基。今將軍攻祝阿以發迹。此皆齊之西界。功足相方。將
 軍前在南陽。建此大策。常以為落落難合。有志者事竟
 成也。帝進幸劇。弇復追步。蘇茂將萬人救之。茂讓步曰。就攻弇營。既呼茂。不能待。大王奈何。帝乃遣使告步。茂能相斬降
 者。封列侯。步遂斬茂以降。其弟藍等。自繫所在獄。詔皆
 赦之。封步為安丘侯。漢縣。今屬青州府。侯。弇罷遣步兵。各歸鄉里。
 齊地悉平。後步逃奔臨淮。欲招其故衆入海。陳俊擊斬之。

初起太學。帝還。

讀曰旋如。晉而返也。視之。

帝幸太學。稽式古典。修明禮樂。煥然文物可觀矣。

十一月。大司徒伏湛免。以侯霸為大司徒。

霸聞太原閔仲叔名貢之名而辟之既至霸不及政事。

徒勞苦而已。仲叔曰。始蒙嘉命。且喜且懼。今見明公。喜

懼皆去。以仲叔為不足問邪。不當辟也。辟而不問。是失

人也。遂辭出。投劾而去。

隗囂遣子入侍。

囂自比西伯。議欲稱王。鄭興諫阻。又欲廣置職位。鄭興

復諫。囂病之而止。囂嘗問班彪曰。昔周亡。戰國並爭。數

世始定。意者縱橫之事。復起于今日乎。彪既疾囂言。又傷時方艱。乃作王命論以感之。囂不悟。時關中將帥數上書言蜀

可擊之狀。帝以書示囂。因使擊蜀以效其信。囂上書盛

言三輔單弱。劉文伯在邊。時盧芳入塞。掠據五郡。未宜謀蜀。帝知

囂不願天下統一。于是稍屈其禮。正君臣之儀。以囂與

馬援來歙相善。數使歙。援奉使往來。勸令入朝。援與論

東方事。問帝何如高祖。援曰。不如也。高祖無可無不可。

今上好吏事。動如節度。又不喜飲酒。囂不懌曰。如卿言。

反復勝邪。已。帝復遣來歙說囂遣子入侍。囂聞劉永彭寵皆

已破滅。乃遣長子恂。隨歙詣闕。帝以爲胡騎校尉。封鐫

羌侯。以恂能琢鑿羌戎。故以爲封號。囂雖遣子入質。猶負其險阨。欲專

制方面。其將王元。又勸囂母專心內事。元曰。天水完富。士馬最強。元請

以一丸泥。爲大土東封函谷關。此萬世一時也。若計不及此。且畜養士馬。據隘自守。圖王不成。猶足以霸。囂

然其計。申屠剛諫曰。璽書數到。委國歸信。欲與將軍共

吉凶。布衣相與。尚有不負然諾之信。況于萬乘者哉。今

何畏何利。而久疑若此。卒有非常之變。上負忠孝。下愧

當世。願反覆計之。囂不納。于是遊士長者稍稍去之。鄭興

因恂求歸葬父母。與妻子俱東。馬援亦將家屬隨恂歸洛陽。

交趾牧鄧讓等遣使貢獻。

王莽末。交趾諸郡閉境自守。岑彭素與交趾牧鄧讓厚善。與讓書。陳國家威德。又遣偏將軍屈充移檄江南。班行詔命。于是讓與江夏太守侯登。武陵太守王堂。長沙相韓福。桂陽太守張隆。零陵太守田翕。蒼梧太守杜穆。交趾太守錫光等。相率遣使貢獻。悉封為列侯。錫光者。漢中人。在交趾教民夷以禮義。帝復以南陽任延為九真太守。延教民耕種嫁娶。故嶺南華風始于二守焉。任延字長孫。宛人。

徵處士周黨。

字伯况。太原廣武人。

嚴光。

本姓莊。避明帝諱。改嚴。光字子陵。會稽餘姚人。王良。

字仲子。東海蘭陵人。

至京師。黨光不屈。以良為諫議大夫。

黨入見伏而不謁。自陳願守所志。博士范升

字辨卿。代郡人。奏

曰。伏見周黨于良等。蒙受厚恩。使者三聘。乃肯就車。及

陛見帝廷。黨不以禮屈。伏而不謁。偃蹇驕悍。同時俱逝。

黨等文不能演義。武不能死君。釣采華名。庶幾三公之

位。臣願與坐雲臺之下。考試圖國之道。書奏。詔曰。自古

明王聖主。必有不賓之士。伯夷。叔齊。不食周粟。太原周

黨。不受朕祿。亦各其志焉。其賜帛四十匹。罷之。帝少與

嚴光同遊學。及卽位。以物色訪之。得于齊國。累徵乃至。

拜諫議大夫。不肯受。去耕釣于富春山。

在嚴州府桐廬縣西。一名嚴陵。

山。前臨大江。上有東。西二臺。為光隱釣處。

中以壽終于家。王良後歷沛郡太

守。大司徒司直。在位恭儉。布被瓦器。妻子不入官舍。後

嚴光以故人不與官商所
謂各行其志一哉其高一
見其大本傳乃亂緣飾
如足加帝腹客星上十載
象云云轉覺詭誕失實

以病歸。一歲復徵至滎陽。過其友人。友人拒不肯見。曰。

不有忠言奇謀而取大位。何其往來屑屑不憚煩也。良

慙。後徵不應。卒于家。時太原王霸北海逢萌亦隱居養志俱被聘霸到尚書拜不稱臣問

之。答曰。天子有所不臣。諸侯有所不友。遂以疾歸。萌客遠東。天下定。乃還。琅邪不其山中。連徵不起。王霸字

儒仲。廣武人。逢萌注見前。不其山。在今山東萊州府即墨縣東南。

庚寅六年春正月。以春陵鄉爲章陵縣。復其徭役。

復徭役。比豐沛。

將軍馬成等拔舒。舒人斬李憲降。考是年通鑑及綱目俱遺拔舒事。今依後漢書

補輯。

先是。帝在壽春。遣馬成等擊憲。遂圍舒。事在四年。至是。始拔

之。憲亡走。其軍士帛意。帛。姓。意。名。斬之以降。

二月將軍吳漢等拔胸斬董憲龐萌。

憲萌皆傳首洛陽。于是江淮山東悉平。

馮異入朝。

異治關中出入三歲上林成都。

異屯兵上林苑中。

人有上章言

異威權至重百姓歸心號爲咸陽王帝以章示異異惶

懼上書陳謝詔報曰將軍之于國家義爲君臣恩猶父

子何嫌何疑而有懼意至是自長安入朝帝謂公卿曰

是我起兵時主簿也爲我披荊棘定關中旣罷賜珍寶

錢帛詔曰倉卒蕪蕪亭豆粥滹沱河麥飯厚意久不報

異稽首謝曰臣聞管仲謂桓公曰願君無忘射鉤臣無

忘檻車齊國賴之臣今亦願國家無忘河北之難小臣

不敢忘巾車

異在巾車鄉為漢兵所獲事見前

之恩留十餘日令與妻

子還西

夏四月帝如長安謁園陵

遣耿弇等七將軍從隴道伐蜀

先是帝以關東悉平騰書隴蜀告示禍福公孫述屢移

書中國自陳符命冀以惑眾

帝與述書曰圖讖言公孫

君豈高之身邪乃復以掌文為瑞王莽何足效乎君非

吾賊臣亂子倉猝時人皆欲為君事耳

又聽荆邯之說

邯言漢帝東伐四

力爭宜留三思

公孫述不答

又聽荆邯之說

若舉兵天水則九分而有其八梁州之地將有自潰之

變臣之愚計急以此時發國內精兵令田戎據江陵臨

江南之會傳檄吳楚長沙以南必從風而靡令延岑出

漢中定三輔天水隴西拱手自服如此海內震搖冀有

大利述

然其言欲悉發兵使延岑由戎分出兩道與漢中諸將

合兵并勢。蜀人及其弟光。以爲不宜空國千里之外。決成敗于一舉。固爭之。述乃止。延岑由戎。亦數請兵立功。述終疑不聽。已而述遣兵寇南郡。帝乃詔隗囂欲從天水伐蜀。囂上言。述性嚴酷。上下相患。須其罪惡孰同熟

著而攻之。帝知其終不爲用。乃謀討之。遣耿种蓋延等

七將軍從隴道伐蜀。

先使中郎將來歙。奉璽書。賜囂諭旨。囂猶豫不決。歙遂發憤。質責之。

因欲前刺囂。囂起入。部勒諸將欲殺歙。王遵諫曰。殺之無損于漢。而隨以族滅。歙爲人有信義。西州士大夫皆

重之。多爲其言。始得免歸。

五月。帝還宮。

隗囂尺。使其將王元據隴坻。

注見前。

諸將與戰。敗績。囂遣兵

下隴。馮異祭道。擊破之。囂降蜀。

囂發兵反。使王元據隴坻。伐木塞道。諸將與戰大敗。囂

乘勝使王元行巡。

行氏。周大行人之官。其後以官爲氏。

將二萬餘人下隴。

馮異大破巡軍于枸邑。

巡將取枸邑。異馳兵欲先據之。諸將以虜方盛。不可與爭。異曰。

攻者不足守者有餘。吾先據城以逸待勞。非所以爭也。潛往閉城。偃旗鼓。巡不知。馳赴之。異卒擊鼓建旗而出。巡軍驚走。追擊大破之。

祭遵亦破王元于汧。

漢縣。以汧水名。故城在今陝西鳳翔府隴

州。于是北地諸豪長耿定等悉畔囂降。初馬援聞囂欲

貳于漢。數以書責譬之。囂得書增怒。及囂反。援上書願

聽詣行在。極陳滅囂之術。帝乃召之。援具言謀畫。帝因

使將突騎五千往來遊說。囂將高峻任禹之屬下及羌

豪爲陳禍福。以離囂支黨。及是。囂上疏謝曰。吏民聞大

兵卒至。臣不能禁止。昔虞舜事父。大杖則走。小杖則受。

臣雖不敏。敢忘斯義。有司以囂言慢。請誅其子。帝不忍。

復使來歙至汧陽。

汧水之陽。

賜囂書曰。今若束手。復遣恂弟。

歸闕庭者。則爵祿獲全。吾年垂四十。在兵中十歲。厭浮。

語虛辭。即不欲。勿報。囂知帝審其詐。遂遣使稱臣于公。

孫述。述以囂為朔寧王。

是時。竇融遣其弟友上書。具言。

石。臣復假歷將帥。守持一隅。故遣劉鈞。口陳肝膽。而璽

書盛稱蜀漢二主。三分鼎足之權。任囂尉佗之謀。竊自

痛傷。臣融雖無識。猶知利害之際。順逆之分。豈可背真

舊之主。事姦偽之人。廢忠貞之節。為傾覆之事。棄已成

之基。求無冀之利。謹遣弟友。詣闕陳誠。會隗囂反。道不

通。乃遣司馬席封。間道通書。帝復遣封。賜融。友。書。所以

慰藉之甚厚。融乃與囂書曰。將軍親遇厄會之際。國家

不利之時。守節不同。承事本朝。融等所以欣服高義。願

從役于將軍也。而忿悁之閒。改節易圖。委成功。造難就。

百年累之。一朝毀之。豈不惜乎。當今西州地勢局迫。易

以輔人。難以自建。計若失路。不反。聞道猶迷。不南合子

陽。則北入文伯耳。夫負虛交而。易疆禦。恃遠救而。輕近

敵。未見其利也。驚不納。

六月并省縣國。減損吏員。

詔曰。夫張官置吏。所以爲民也。今百姓遭難。戶口耗少。而縣官吏職。所置尚繁。其令司隸州牧。各實所部。省減吏員。縣國不足置長吏者。并之。于是并省四百餘縣。吏職減損十置其一。

秋九月丙寅晦日食。

牧守久任于親民之職。宜爾然使課最不得其當。則視同優舍。與因循戀棧弊適相等。但建武時承彫敝之後。自以拊循休養爲先。此政與省縣吏復田租同。揀時切務。

執金吾朱浮上書曰。昔堯舜之盛。猶加三考。大漢之興。亦累功效。吏皆積久。至長子孫。而閒者守宰數見。換易迎新相代。疲勞道路。尋其視事日淺。未足昭見其職。旣加嚴切。人不自保。迫于舉劾。懼于刺譏。故爭飾詐僞。以

希虛譽。斯所以致日月失行之應也。願陛下遊意于經年之外。望治于一世之後。天下幸甚。帝采其言。自是牧守易代頗簡。

冬十二月。大司空弘免。

復田租舊制。

詔曰。頃者師旅未解。用度不足。故行十一之稅。今糧儲

差積。其令郡國收見田租三十稅一。如舊制。

建武之初。一石粟直

黃金一斤。二年秋。野穀旅生。野蠶成繭。民收其實。以爲衣糧。五年以後。野穀漸少。南畝益墾。

辛卯

七年春三月癸亥晦日食。詔百官各上封事。不得言聖

大中大夫鄭興上疏曰。夫國無善政。則謫見日月。要在內人之心。擇人處位。今公卿大夫多舉漁陽太守郭伋。

先是彭寵誅帝以伋為漁陽守伋承離亂之後養民訓兵開示威信盜賊銷散何奴遠迹郭伋字細侯茂陵人

可大司空者而不以時定願陛下屈已從眾以濟羣臣讓善之功頃年日食每多在晦先時而合皆月行疾也日君象而月臣象君亢急則臣下促迫故月行疾今陛下高明而羣臣惶促宜霽思柔克之政垂意洪範之法書奏多有所納帝嘗問與以郊祀事曰吾欲以讖斷之對曰臣不為讖帝怒曰卿不為讖非之邪與曰臣于書有所未學無所非也帝乃解臣言不當若是邪

以李通為大司空

以杜詩為南陽太守

詩政治清平興利除害百姓便之又修治陂池廣拓土田郡內比室殷足時人方于召信臣南陽為之語曰前

有召父後有杜母。

壬辰

八年春遣中郎將來歙伐隗囂取畧陽。

漢道故城在今甘肅秦州秦安

縣

夏閏四月帝自將征囂竇融等率五郡兵以從囂衆皆

降囂奔西城。

胡三省注西縣故城在今秦州

吳漢引兵圍之。

歙初未有戰功但往來說
囂以剛毅不辱命自見耳
及畧陽之役進襲退守材

來歙將二千餘人伐山開道從番須。

章懷曰番音盤谷名也

回中。

畧卓然不在鄧禹耿弇下
觀兵與馬援諸將屯長

注見前

徑襲畧陽斬囂守將金梁囂大驚曰何其神也帝

安至潁危力封遣奏器識

不獲千載下猶有生氣

聞得畧陽甚喜又聞吳漢等諸將爭馳赴之上以為囂

失所恃亡其要領勢必悉以精銳來攻曠日久圍而城

不拔士卒頓敝乃可乘危而進因追漢等還囂果使王

元拒隴坻行巡守番須口王孟塞雞頭。

山名注見前

道牛邯

軍瓦亭。

關名在甘肅平涼府華亭縣西北

囂自悉其大衆數萬人圍畧

陽公孫述遣將李育出奔助之。斬山築隄，激水灌城。來

歙與將士固死堅守。囂盡銳攻之，累月不能下。夏，閏四

月，帝自征囂。光祿勳郭憲

字子橫，汝南人。

諫曰：「東方初定，車駕

未可遠征，乃當車拔佩刀以斷車靽。帝不從。西至漆。

漢縣。

後漢爲新平，今爲邠州，隸陝西。

諸將多以王師之重，不宜遠入阻險，計

猶豫未決。帝召馬援問之。援因說

讀如字。

囂將帥有土崩

之勢，兵進有必破之狀。又于帝前聚米爲山谷，指畫形

勢，開示軍所從道徑，往來分晰，昭然可曉。帝曰：「虜在吾

目中矣。明日遂進軍至高平第一。

後漢書郡國志安定郡高平有第一城。高

平，今甘肅平涼府固原州是。

竇融率五郡太守及羌虜小月氏等步

騎數萬，輜重五千餘兩，與大軍會。

是時軍旅草創，諸將朝會禮容多不肅。融

先遣從事問會見儀。帝聞而善之。以宣示百僚。乃置酒高會。待融以殊禮。遂進軍。先是帝使

來歙招降。囂將王遵至是。遵以書喻牛邯。邯即來歸。俱

拜大中大夫。于是囂大將十三人屬縣十六。衆十餘萬

皆降。囂將妻子奔西城。從楊廣。而田弇李育保上邽。漢縣

故城在今秦州。畧陽圍解。帝勞賜來歙。班坐絕席。專席獨坐。尊寵之也。在

諸將之右。進幸上邽。詔告囂曰。若束手自詣。父子相見。

保無他也。囂終不降。于是誅其子恂。使吳漢岑彭圍西

城。耿弇蓋延圍上邽。以四縣封竇融爲安豐。漢縣。故城在今河南

光州固始縣。侯弟友爲顯親。後漢侯國。故城在今甘肅秦州。侯及五郡太守。

皆封列侯。遣西還所鎮。融以久專方面。懼不自安。數上書求代。詔曰。吾與將軍如左右

手耳。數執謙退。何不曉人意。勉循士民。無擅離部曲。

蜀寇不平天下何能統一
勢不得不急擊之苦不知
權豈可坐失
權豈可坐失

潁川盜起。秋九月。帝還自上邽。六日。自將討平之。遂還宮。
潁川盜羣起。河東守兵亦叛。京師騷動。帝聞之。曰。吾悔
不用郭子橫之言。八月。帝自上邽晨夜東馳。賜岑彭等
書曰。兩城若下。便可將兵南擊蜀虜。人苦不知足。旣平
隴。復望蜀。每一發兵。頭須爲白。九月。車駕還宮。帝謂執
金吾寇恂曰。潁川迫近京師。當以時定。惟念獨卿能平
之耳。從九卿復出以憂國可也。對曰。願川蜀陛下有事
隴蜀。故狂狡乘閒相誑誤耳。如聞乘輿南向。賊必惶怖
歸死。臣願執銳前驅。帝從之。車駕南征。潁川盜賊悉降。
寇恂竟不拜郡。百姓遮道曰。願從陛下復借寇君一年。
乃留恂長社。漢縣。故城在今河南許州長葛縣。鎮撫吏民。受納餘降。時東

郡濟陰盜賊亦起。帝遣李通王常擊之。以東光侯耿純嘗為東郡太守。威信著于衛地。遣使拜大中大夫。使與大兵會東郡。純初入界。盜賊九千餘人皆詣降。大兵不戰而還。璽書復以純為東郡太守。

冬十一月公孫述遣兵救隗囂。吳漢引兵下隴。校尉溫序

溫氏晉郤至食采于溫其後以邑為氏序字次房太原祁人死之。

楊廣死。隗囂窮困。岑彭壅谷水。水經注作西谷水在今秦州灌西城。

城未沒丈餘。會王元行巡。周宗將蜀兵五千餘。乘高卒

至。鼓譟大呼曰。百萬之眾方至。漢軍大驚。未及陳。元等

決圍殊死戰。遂得入城。迎囂歸冀。本冀戎地漢置縣故城在今甘肅鞏昌府

伏羌縣吳漢軍食盡。乃燒輜重。引兵下隴。諸將亦相隨而

退。于是天水隴西諸郡復反為囂校尉溫序為囂別將荀宇所執。欲降

之。序大怒。叱曰。何敢迫脅漢將。因以節撾殺數人。宇眾

爭欲殺之。字曰。此義士死節。可賜以劍。序受劍。銜須于口。顧左右曰。既爲賊所殺。毋令須汚血。遂伏劍而死。

從事

王忠持其喪歸洛陽。詔賜以冢地。拜三子爲郎。

癸巳九年春正月。征虜將軍潁陽漢縣。故城在河南許州。侯祭遵卒于

軍。詔馮異領其營。

遵爲人廉約小心。克已奉公。賞賜盡與士卒。約束嚴整。所在吏民不知有軍。取士皆用儒術。對酒設樂。必雅歌投壺。臨終遺戒薄葬。問以家事。終無所言。帝愍悼之尤甚。後每朝會。輒嘆曰。安得憂國奉公如祭征虜者乎。隗囂死。諸將立其子純。

囂病且餓。恚憤而死。王元周宗立囂小子純爲王。總兵

據冀公孫述遣將趙匡田禽助純。帝使馮異擊之。

異與匡合

戰且一年。

遣來歙馬援護諸將屯長安。

歙上書言公孫述以隴西天水

爲藩蔽。二郡平蕩。則述智計窮矣。今西州新破。民人饑饉。若招以財穀。其衆可集也。帝然之。于是詔于汧積穀

六萬斛。

秋八月。歙率異等討隗純于天水。

封陰就爲宣恩侯。

盜殺陰貴人母鄧氏及弟訢。帝甚傷之。封貴人弟就爲

宣恩侯。復召就兄侍中興。

字君漢。

欲封之。置印綬于前。興

固讓曰。臣未有先登陷陳之功。而一家數人並蒙爵土。

令天下觖望。誠所不願。帝嘉之。不奪其志。貴人問其故。

興曰。夫外戚家。苦不知謙退。嫁女欲配侯王。取婦盼睨

公主。愚心實不安也。富貴有極。人當知足。誇奢益爲觀

動腹心以奪其氣蓋深知
高峻之無能為是以其應
如響其機神速不可以形
迹擬恂實升其善應哉

聽所譏貴人感其言深自降挹與抑同卒不為宗親求位

甲午十年夏征西大將軍陽夏胡三省注馮異傳異封陽夏侯馬武傳列二十八將官位

名姓曰夏陽侯馮異未知孰是侯馮異卒于軍

秋八月帝如長安遂至汧隗囂將高峻降冬十月來歙等

攻破落門聚名在伏羌縣今縣有落門河隗純降王元奔蜀隴右悉平

初隗囂將高峻擁兵據高平第一耿弇等圍之一歲不

拔帝自將征之進幸汧遣寇恂招降恂至第一峻遣軍

師皇甫文出謁辭禮不屈恂斬之遣其副歸告峻曰軍

師無禮已戮之矣欲降急降不欲固守峻惶恐即日開

城門諸將皆賀因問殺其使而降其城何也恂曰皇甫

文峻之腹心其所取計者也今來辭意不屈必無降心

全之則文得其計。殺之則峻亡其膽。是以降耳。諸將皆曰。非所及也。冬十月。來歙與諸將攻破落門。周宗行巡等將隗純降。後純與賓客亡入匈奴。捕得誅之。王元遂奔蜀。時先零羌寇金城。來帝還宮。歙擊破之。于是開倉廩以賑饑乏。隴右遂安。而涼州通焉。

乙未十一年春三月。遣吳漢等將兵會岑彭伐蜀。破其浮橋。

遂入江關。

荆門。虎牙二山之間。曰江關。荆門在江南。屬荊州府。都縣。虎牙在江北。屬宜昌府。東湖縣。兩

山相對。為大江絕險處。

先是公孫述遣其將田戎在滿程汎。將兵下江關。拔夷

陵。因據荆門。虎牙橫江水。起浮橋關樓。立攢柱。叢木為柱也。

以絕水道。結營跨山。以塞陸路。至是岑彭屯津鄉。地名。今荆

州府江陵縣有津鄉城。數攻之。不克。帝遣吳漢率劉隆字元伯。南陽安衆侯。

宗及臧宮字君翁。潁川人。劉歆發荊州兵。凡六萬餘人。騎五

千匹。與彭會荊門。閏月。彭令軍中募攻浮橋。先登者上

賞。于是偏將軍魯奇應募而前。時東風狂急。魯奇船逆

流而上。直衝浮橋。而攢柱有反杷鈎。其鈎鈎船。使不得退。又逆拒之。使不得

得進。故曰反杷。奇船不得去。奇等乘勢殊死戰。因飛炬焚之。風

怒火盛。橋樓崩燒。岑彭悉軍順風並進。所向無前。蜀兵

大亂。溺死者數千人。斬任滿。生獲程汎。田戎走保江州。

注見前。彭長驅入江關。令軍中無得虜掠。百姓大喜。爭開

門降。詔彭守益州牧。所下郡。輒行太守事。彭到江州。以

其城固糧多。難卒拔。留馮駿守之。自引兵乘利直指墊

江。漢縣。今四川重慶府合州是。今攻破平曲。章懷注。收

其米數十萬石。吳漢留夷陵。裝露橈。

船名。橈。小檣。露橈。謂露檣在外。人在

船中。繼進。

公孫述遣王元拒河池。

漢縣。故城在今秦州徽縣。

夏六月。諸將擊破之。

述使盜殺監護使者來歙。詔以將軍馬成代之。

述以王元為將軍。使與領軍環安。

環氏。楚環列尹之後。

拒河池。六

月。來歙與蓋延等進攻元安。大破之。遂克下辨。

漢道。括地志。成

州同谷縣。漢下辨道也。故城在今甘肅階州成縣。

乘勝遂進。蜀人大懼。使刺客

刺歙。未殊。馳召蓋延。延因伏悲哀。不能仰視。歙叱延曰。

今使者中刺客。無以報國。故呼巨卿。欲相屬以軍事。而

反效兒女子涕泣乎。延收淚彊起。受所誡。歙自書表曰。

臣夜人定後。爲何人所賊傷。中臣要害。臣不敢自惜。誠恨奉職不稱。以爲朝廷羞。夫理國以得賢爲本。大中大。夫段襄。骨鯁可任。願陛下裁察。投筆抽刀而絕。帝聞大驚。省書攬涕。以將軍馬成守中郎將代之。

帝自將征蜀。秋七月。次長安。

岑彭及將軍臧宮大破蜀兵。王元以其衆降。

述使其將延岑。呂鮪。王元。公孫恢。悉兵拒廣漢。漢縣屬廣漢郡。

酈道元謂之小廣漢。以別于郡也。及資中。漢縣。故城在今四川資州。

故城在今四川潼川府遂寧縣。又遣將侯丹拒黃石。章懷注。卽黃石灘也。杜佑曰。資陽縣。今謂橫石灘。灘在四川重慶府。

府涪州東。彭使臧宮從涪水。今涪江。出四川松潘衛。逕龍安縣。涪州。潼川。諸境至重慶府。入大江。

上平曲。胡三省曰。水經注。涪水逕縣竹縣。又東南與建始水合。水出平洛郡西溪。西南流。屈而東。

意此卽平曲也。拒延岑。自分兵浮江而下。還江州。襲擊侯丹。大

破之。因晨夜倍道兼行二千餘里。徑拔武陽。漢縣。故城在今四川

眉州彭山縣。使精騎馳擊廣都。漢縣。今成都府雙流縣是。去成都數十里。

勢若風雨。所至皆奔散。初。述聞漢兵在平曲。故遣大兵逆之。及彭至武陽。繞出延岑軍

後。蜀地震駭。述大驚。以杖擊地曰。是何神也。延岑盛兵于沅水。光武紀作沈水。章懷曰。水

經注。沈水出廣漢縣。下入涪。本作沅。及沅水。章懷曰。水者。並非。考沈水。在今潼川府射洪縣東南。臧宮衆多食

少。轉輸不至。會帝遣謁者將兵詣岑。彭有馬七百匹。宮

矯制。取以自益。晨夜進兵。多張旗幟。登山鼓譟。右步左

騎。挾船而進。呼聲動山谷。岑登山望之。大震恐。宮因縱

擊。大破之。岑奔成都。宮乘勝追北。軍至平陽鄉。胡三省注。臧宮所涪。至平陽。涪在縣北。平陽鄉當在綿竹縣。王元舉衆降。帝與述書陳

竹北。平陽鄉當在綿竹縣。王元舉衆降。帝與述書陳

月青之信。述省書太息。以示所親。常少張降。皆勸述降。述曰。廢興命也。豈有降天子哉。左右莫敢言。少降。以憂死。

帝還宮。

冬十月。公孫述使盜刺殺征南大將軍舞陰。

漢縣。故城在今南陽府泌

陽縣。侯岑彭。

彭所營地名彭亡。

山名。在眉州彭山縣東北。水經注。謂之彭模。寰宇記亦謂之平模。惡

之。欲徙。會日暮。公孫述使刺客詐為亡奴降。刺殺彭。監

軍鄭興領其營。侯吳漢至而授之。彭持軍整齊。秋毫無

犯。蜀人立廟祠焉。

先零羌叛。隴西太守馬援及將軍馬成等擊破之。

諸羌自王莽末。入居塞內。金城屬縣多為所有。隗囂不

能討因就慰納發其衆與漢相拒司徒掾班彪請如舊制置護羌校尉持節

護領以明威防帝從隴右既平來歙擊破先零羌前事具

爲帝言隴西非馬援莫能定帝乃拜援隴西太守援擊

先零羌于臨洮破之既而諸種數萬屯聚寇鈔拒浩亶

前注見隘援與馬成等深入討擊虜遂大潰已悉歸服徒

置于天水隴西扶風三郡時廷臣議棄金城破羌以西田肥壤

灌漑流通如令羌在湟中爲害不休不可棄也帝從之

援于是奏置長吏繕城郭起塢堠開導水田勸以耕牧

民皆樂業援又招降塞外氏羌復其侯王君長印乃罷

綏帝悉從之破羌漢縣故城在西寧府碾伯縣馬成軍後二年參狼羌寇武都援復擊破之降三萬餘人于是隴右清靜參狼羌別種名武都注見

便當時棄破羌以西邊患
何時可已援因勢利導俾
民耕牧有資正與趙充國
屯田湟中同一遠慮

丙申十二年秋七月大司馬吳漢進攻成都冬十一月公孫

述引兵出戰。吳漢擊殺之。延岑以成都降。蜀地悉平。

吳漢以舟師泝江而上。大破蜀兵。擊破述將魏黨。公孫永及述子胥史興。馮

駿亦獲。遂拔廣都。遣輕騎燒成都市橋。旋乘利與劉尚

進逼成都。漢阻江作浮橋。使尚屯江南。相去二十里。帝聞之。大驚。讓漢曰。既輕敵深入。又與尚別營。

賊若出兵綴公。以衆攻尚。尚破。公必敗矣。詔書未到。述果使謝豐。袁吉。以十萬衆攻漢。尚不得救。漢敗入壁。乃

召厲諸將。閉營三日。多樹旛旗。使烟火不絕。夜銜枚引兵。與尚合。斬述將謝豐。袁吉。自

是漢與述戰于廣都。成都之間。八戰八克。遂軍于其郭

中。臧宮拔綿竹。破涪城。涪縣城也。在今綿州。斬述弟恢。復攻拔繁

漢縣。今成都新繁縣是。郫。漢縣。今屬成都府。與吳漢會于成都。述困急。悉

散金帛。募敢死士五千餘人。以配延岑。岑襲擊破吳漢

軍。漢墮水。緣馬尾得出。時漢軍餘七日糧。陰具船。欲遁

去蜀郡太守張堪

字君游宛人爲謁者帝使領騎詣吳漢在道卽拜蜀郡守

聞之馳

往見漢說

讀如字

述必敗不宜退師之策漢從之冬十一

月臧宮軍咸陽門

成都城門名

述自將數萬人攻漢使延岑

扼宮大戰岑三合三勝自旦至日中軍士不得食並疲

漢因使護軍高午唐邯將銳卒數萬擊之述兵大亂高

午奔陳刺述洞胸墮馬左右輿入城述以兵屬延岑其

夜死明旦延岑以城降吳漢夷述妻子盡滅公孫氏并

族延岑放兵大掠焚述宮室帝聞之怒以譴漢又讓劉

尚曰賊降三日吏民從服一旦放兵縱火聞之可爲酸

鼻尚宗室子孫嘗更吏職何忍行此殊失斬將弔民之

義也帝旣平蜀詔贈常少爲太常張隆爲光祿勳二人

皆勤

述降事。祠譙元以中牢。述聘巴郡譙元。元不詣。遣使者

具前。亦奚恨。遂受毒藥。元子瑛願奉家錢。以毒藥刦之。元曰。保志全高。死

千萬以贖父死。述許之。時元已卒。表李業之問。述徵

李業為博士。業稱疾不起。述羞不能致。賜以毒酒。業乃

嘆曰。古人危邦不入。亂邦不居。為此故也。遂飲藥而死。

又述徵蜀郡王皓。王嘉恐其不至。先繫其妻子。嘉曰。大

馬猶識主。況于人乎。皓先自刎。述怒。遂誅皓家屬。王嘉

聞而嘆曰。後之哉。乃徵費貽任永。馮信。隗為費貽。不肯

對使者。伏劍而死。佯狂以避之。同郡任永。馮信。皆托青盲。以辭徵命。

太守。上以述將程烏。李育有才幹。皆擢用之。于是西

土咸悅。莫不歸心焉。

竇融及五郡太守入朝。以融為冀州牧。

上詔融與五郡太守入朝。既至。詣城門上印綬。詔遣使

者還侯印綬。引見。賞賜恩寵。傾動京師。尋拜融冀州牧。

又以梁統爲大中大夫。姑臧。漢縣。今曰武威。爲甘肅涼州府治。長孔奮

字君魚。爲武都郡丞。姑臧在河西。最爲富饒。天下未定。士多不修檢操。奮在職四年。力行

清潔。爲衆人所笑。以爲身處脂膏。不能自潤。及從融入

朝。諸守令財貨連轂。唯奮單車就道。帝以是賞之。時任

延左遷睢陽令。帝擢爲武威太守。親見戒之曰。善事上

官。無失名譽。延對曰。臣聞忠臣不和。和臣不忠。履正奉

公。臣子之節。善事上官。臣不敢奉詔。帝嘆息曰。卿言是也。

雍奴。漢縣。故城在今順天府武清縣。侯寇恂卒。

十二月。以將軍馬成行大司空事。時李通請罷。

丁酉十三年春正月。詔大官勿受郡國異味。

詔曰。郡國獻異味。其令大官勿復受。遠方口實。所以薦

宗廟。自如舊制。時異國有獻名馬者。日行千里。又進寶

善事上官固非正論至謂
忠臣不和和臣不忠語亦
有甚焉恭和衷固虞廷繼
政之經和而至於朋黨營
私則不可耳晏子和同之
辨頗當

劍。價直百金。詔以劍賜騎士。馬駕鼓車。上雅不喜聽音

樂。手不持珠玉。嘗出獵。車駕夜還。上東門候。

洛陽城十

二支。上東者。寅方門也。每門候一人。屬城門校尉。郅憚拒關不開。上令從者見

面于門間。憚曰。火明燎遠。遂不受詔。上乃回從東中門。

卯方入。明旦。憚上書諫曰。陛下遠獵山林。夜以繼晝。如

社稷宗廟何。書奏。賜憚布百疋。貶東中門候。

盧芳奔匈奴。

先是芳與匈奴。烏桓連兵寇邊。詔將軍杜茂

字諸公。南陽冠軍人。

等擊之。不克。至是。芳攻雲中。

郡先為芳所據。後來降。故芳攻之。

後久不下。

其將隨昱留守九原。欲脅芳降。芳知之。與十餘騎亡入

匈奴。其眾盡歸于昱。昱乃詣闕降。詔以昱為五原太守。

封鐫胡侯。

後四年。芳復入居高柳。使使請降。帝立芳為代王。因使和集匈奴。芳遂上疏請朝。南及昌

降渠請朝何必却之致生
疑懼而復反大約無定見

而遲疑不決斷無有能成大計者

後漢書卷之二十一

卷之二十一

三

平。有詔止之。芳還。內自疑懼。乃復反。匈奴遣騎迎之。出塞。芳留匈奴中。久之病死。高柳。漢縣。故城在今大同

府陽高縣。

詔諸王皆降為公侯。

朱祐奏。古者人臣受封。不加王爵。詔長沙王興。真定王

得。故王楊之子。楊被誅。帝憐其謀尚未發。乃復封得。河間王邵。中山王茂。四王皆景

帝後。王莽時。帝復封。皆降爵為侯。趙王良。太原王章。魯王興。皆

為公。時宗室及絕國封侯者。凡一百三十七人。

以紹嘉公孔安為宋公。承休。注見前。公姬常為衛公。

以韓歆。字君翁。南陽人。為大司徒。侯霸卒。歆代。

夏四月。吳漢軍還。大饗將士。諸功臣皆增邑更封。

吳漢自蜀振旅而還。于是大饗將士。功臣增邑更封。凡

隴蜀既平與天下休息宜也至云孔子不對問陳似欲使太子不知攻戰之事者英略如光武必不出此審然則周書克詰戎兵之訓為非乎史氏蠡測安能識中與帝王之大度哉

三百六十五人其外戚恩澤封者四十五人定封鄧禹

為高密

注見前

侯食四縣李通為固始

本漢甯縣後漢更名為侯國故城在

河南陳州府沈邱縣今光州固始縣劉宋時所置

侯賈復為膠東

注見前

侯食六

縣餘各有差已歿者益封其子孫或更封支庶帝在兵

間久厭武事且知天下疲耗思樂息肩自隴蜀平後非

警急未嘗復言軍旅皇太子嘗問攻戰之事帝曰昔衛

靈公問陳孔子不對此非爾所及鄧禹賈復知帝偃干

戈修文德不欲功臣擁眾京師乃去甲兵敦儒學帝思

念欲完功臣爵土不令以吏職為過遂罷左右將軍官

耿弇等亦上大將軍印綬皆以列侯就第

鄧禹內行淳備有子十三

人各使守一藝修整閨門教養子孫皆可以為後世法賈復為人剛毅方直多大節既還私第闔門養威重

朱祐等薦復宜為宰相。帝方以吏事責三公。故功臣並不用。是時列侯唯高密。固始。膠東。三侯。與公卿參議國家大事。恩遇甚厚。帝雖制御功臣。而每能回容。宥其小失。遠方貢珍甘。必先徧賜諸侯。而大官無餘。故皆保其福祿。無誅譴者。上嘗與功臣宴飲。歷問曰。卿等不遭際會。與朕相遇。能何為乎。鄧禹對曰。臣當學問。可郡文學。上笑曰。言何謙也。卿志行修整。可郡功曹。各以次對。至馬武。武曰。臣以武勇顯。可為守尉。督盜賊。上笑曰。且自不為盜賊。斯可矣。

以竇融為大司空。

馬成罷。復為揚武將軍。

融自以非舊臣。一旦入朝。在功臣之右。每朝會進見。容

貌辭氣卑恭已甚。帝愈親厚之。

融數辭爵位。上疏曰。臣融有子。朝夕教導。以經

藝。不令觀人文。見識記。欲令恭肅畏事。悔守道。不願其才能。况乃傳以連城廣土哉。帝不許。詔勿得復言。

刑罰世輕世重要以弼教
爲本梁統所言固未及此
而杜林矯枉過正亦失刑
期無刑之意至云菓桃菜
茹之餽無妨于義則陸贄
所謂鞭靴不已必至金玉
之言反謂不當乎

高祖至孝宜蓋因初開國
民少而風淳又數世皆權

戊十四年夏四月封孔子後志爲褒成侯
大中大夫梁統請更定律不報

統上疏曰臣竊見元帝輕殊死刑三十四事哀帝輕殊
死刑八十一事自是以後著爲常準故人輕犯法吏易
殺人臣惟刑罰在衷無取于輕願陛下宣詔有司更定
不易之典事下公卿光祿勳杜林奏曰大漢初興蠲除
苛政海內歡欣及至其後漸以滋章果桃菜茹之餽集
以成贓小事無妨于義以爲大戮至于法不能禁上下
相遁爲弊彌深臣謂宜如舊制統復言臣之所奏非曰
嚴刑經曰爰制百姓于刑之衷衷之爲言不輕不重之
謂也自高祖至于孝宣海內稱治至初元建平而盜賊

在上政治清明元成以後
太平既久民滋而風漓又
數世皆權在下政治日壞
此盜賊之所以浸多也梁
說之言所謂舍其本而求
其末矣

後漢書

卷之二十一

四

浸多皆刑罰不衷。愚人易犯之所致也。由此觀之。則刑
輕之作。反生大患。惠加姦軌。而害及良善也。事寢不報。
十五年春正月。免大司徒歆歸田里。歆自殺。

歆好直言無隱。帝每不能容。歆于上前證歲將饑凶。指
天畫地。言甚剛切。故坐免歸田里。帝猶不釋。復遣使宣
詔責之。歆及子嬰皆自殺。歆素有重名。死非其罪。衆多
不厭。帝乃追賜錢穀。以成禮葬之。

有星孛于昴。

以歐陽歆

越王勾踐支孫封烏程縣陽亭。因氏焉。歆字正思。樂安千乘人。為大司徒。

歆為汝南太守。視事九歲。政多異迹。至是徵拜大司徒。

已而坐。在郡度田不實。下獄死。

歆世傳伏生尚書。在汝南教授數百人。及下獄。

諸生守闕求哀。至有自髡剔者。平原禮震年十七求代歛死。書奏。歛已死獄中。是冬以戴涉代歛為大司徒。

封子輔等為公。

輔為右翊公。康為濟南公。延為淮陽公。焉為左翊公。郭皆

后陽為東海公。蒼為東平公。荆為山陽公。衡為臨淮公。

京為琅邪公。皆陰貴人出。英為楚公。許美人出。

六月。詔州郡檢覈墾田戶口。

帝以天下墾田多。不以實自占。又戶口年紀互有增減。

乃詔下州郡檢覈。于是刺史太守以度田為名。并度廬

屋里落。民遮道啼呼。或優饒豪右。侵刻羸弱。時諸郡各

遣使奏事。帝見陳留吏牘上有書。視之云。潁川弘農。漢郡。

治弘農故城在今河南陝州靈寶縣。可問。河南。南陽。不可問。帝詰吏由趣。

光武英明起自田間一切利弊知之悉矣可問不可

問之語豈有不知待十二歲之予言之之理此必史家以明帝英察謬以不近理之事贊之耳予以爲不足信

由從也。問是書之所從來也。趣向也。抵托辭。言于長壽街也。問是書之意。其所向爲何如也。

上得之。帝怒。時東海公陽年十二。在幄後言曰。吏受郡

敕。當欲以墾田相方。比也。耳。帝曰。卽如此。何故言河南

南陽不可問。對曰。河南帝城多近臣。南陽帝鄉多近親。

田宅踰制。不可爲準。帝令虎賁將詰問吏。吏乃實首服。

如東海公對。上由是益竒愛陽。遣謁者考實二千石長

吏阿枉不平者。

冬十二月。以張堪爲漁陽太守。

時匈奴寇鈔日甚。州郡不能禁。帝遣吳漢等徙邊郡吏

繕治障塞。已而茂以騎都尉張堪。時領杜茂營。擊破之于高

柳。乃卽拜堪爲漁陽太守。堪在郡八年。匈奴不敢犯塞。

揚湯止沸一時權宜大亂
之後或可承平之時行之
必致亂不可為訓也

勸民耕稼以致殷富。百姓歌曰桑無附枝麥穗

庚子十六年春三月辛丑晦日食

秋九月羣盜起詔許相斬除罪遂皆解散

郡國羣盜處處並起遣使者下郡國聽羣盜自相糾擿
五人共斬一人者除其罪吏雖逗留回避故縱者皆勿
問聽以禽討為效其牧守令長坐界內有盜賊而不收
捕者又以畏懦捐城委守者皆不以為負但取獲賊多
少為殿最唯蔽匿者乃罪之于是更相追捕賊並解散
徙其魁帥于他郡賦田受廩使安生業自是牛馬放牧
不收邑門不閉

冬十二月復行五銖錢

自王莽時五銖錢廢不用。至是以馬援奏復行之。天下
賴其便。

辛丑

十七年春正月以趙憙

字伯陽宛人

為平原太守。

初憙為懷令。

憙先為更始中郎將更始敗亡走道遇更始親屬皆饑困不能前憙悉以所裝資糧

與之會鄧奉反憙素與奉善遣書切責之或謂憙與奉通帝以為疑及奉敗得憙書帝驚曰趙憙真長者即召見拜簡陽侯相復徙平林懷大姓李子春二孫殺人憙皆有平賊功後復拜懷令

窮治其姦二孫自殺收繫子春京師貴戚為請者數十。

憙終不聽趙孝公良病上臨視之問所欲言良曰素與

李子春厚今犯罪懷令趙憙欲殺之願乞其命帝曰吏

奉法律不可枉也更道他所欲良無復言既薨上追思

良乃賞出子春遷憙為平原太守。

三月乙未晦日食。

冬十月廢皇后郭氏立貴人陰氏爲皇后。

郭后寵衰數懷怨懟上怒之廢后立貴人陰氏爲皇后詔曰異常之事非國休福不得上壽稱慶。

進右翊公輔爲中山王。

後徙封沛。

郅惲言于帝曰臣聞夫婦之好父不能得之于子況臣能得之于君乎是臣所不敢言雖然願陛下念其不可勿亂大倫使天下有議社稷者帝曰惲善恕已量主知我必不有所左右而輕天下也乃進郭后子右翊公輔爲中山王郭后爲中山太后其餘九國公皆進爵爲王。

明年趙齊魯三公亦爲王。

帝如章陵。

帝幸章陵。修園廟。祠舊宅。觀田廬。置酒作樂。賞賜。時宗室諸母。因酣悅。相與語曰。文叔少時謹信。與人不款曲。唯直柔耳。今乃能如此。帝聞之。大笑曰。吾治天下。亦欲

以柔道行之。

十二月還宮。

十八年夏四月。以馬援為伏波將軍。討交趾。

後漢書光武紀十八

年夏四月。遣伏波將軍馬援擊交趾。馬援傳。十八年春。援軍至浪泊。所載互異。考袁宏後漢紀。與光武紀同。今依之。

先是交趾麋泠。

音糜零。漢縣。元和志。安南都護府峯州。漢麋泠縣地。縣雒將。水經

吐未有郡縣時。有雒田。墾之者為雒民。統其民者為雒王。其下有雒侯雒將。女子徵側。名也。朱章。人甚雄勇。交趾太守蘇定。以法繩之。徵側忿怒。與

詩。索妻。甚雄勇。交趾太守蘇定。以法繩之。徵側忿怒。與

妹徵貳反。九真日南合浦。蠻俚南夷種名皆應之。凡六十

五城自立爲王都麓泠寇亂連年至是詔長沙合浦交

趾具車船修道橋通障與嶂同谿諸糧穀拜馬援爲伏波

將軍以扶樂後漢侯國故城在今河南陳州府太康縣侯劉隆爲副擊之援

緣海而進隨山刊木千餘里至浪泊在今安南國交州府東關縣一名西

湖與徵側等戰大破之賊散走明年斬徵側徵貳進擊

餘黨降之嶠南悉平援既平交趾勞饗軍士從容謂曰吾從弟少游常哀吾慷慨有大志

嘆曰士生一世但取衣食纔足爲郡縣吏守墳墓使鄉里稱爲善人足矣至求贏餘徒自苦耳吾在浪泊西里

間賊未滅時下潦上霧毒氣熏蒸仰視飛鳶跼跼墮水中念少游平生語何可得也

罷州牧置刺史

EAST ASIAN LIBRARY
UNIVERSITY OF TORONTO LIBRARY

新刊
卷之二

二

四

御批歷代通鑑輯覽卷之二十二

後漢

世祖光武皇帝

癸卯建武十九年春正月尊孝宣皇帝廟為中宗始祠元帝

以上于太廟成帝以下于長安徙四親廟于章陵

五官中郎將張純

字伯仁杜陵人安世元孫

與太僕朱浮奏議禮為

人子事大宗降其私親當除今親廟四以先帝四廟代

之大司徒涉等

時關內侯戴涉為大司徒

奏立元成哀平四廟上自

以昭穆次第當為元帝後遂追尊宣帝曰中宗始祠昭

帝元帝于太廟成帝哀帝平帝于長安春陵節侯以下

于章陵其長安章陵皆太守令長侍祠

胡氏寅曰王莽篡時漢祚既絕

元武當漢祚已絕崛起春陵其功同于開創立廟之制祖高祖而帝四親正胡寅所云無不可者乃惑于張純朱浮之迂說而徙其親廟于章陵不獨大宗私親語屬無謂試問帝之當為元帝後又何說耶以中興之朝比入繼之藩寅說豈可為據

光武掃平禍亂。奮然崛起。雖祖高祖而帝四親。非與衰
朝尊崇藩統同事。于義未有大不可者。一聞純等建議。
斷然從之。章陵四祠。茂有異等。寡恩之譖。不聞于當年。
失禮之議。不生于後代。以是較之。宜哀過舉益明。而禮
所載爲人後者。爲其父母降
而不得祭。豈可違而不守哉。

妖賊單臣等據原武。

漢縣。今屬河南開封府。

夏四月。臧宮破斬之。

妖賊單臣傳鎮等相聚入原武城。自稱將軍。詔大中

夫臧宮將兵圍之。數攻不下。帝召公卿諸侯王問方略。

皆曰。宜重其購賞。東海王陽獨曰。妖巫相劫。勢無久立。

其中必有悔欲亡者。但外圍急。不得走耳。宜小埏

猶言寬也。

緩。令得逃亡。逃亡則一亭長足以禽矣。帝然之。卽敕宮

撤圍緩賊。賊衆分散。遂拔原武。斬臣鎮等。

夏六月。廢皇太子彊爲東海王。立東海王陽爲皇太子。改

名莊。

郭后既廢。太子彊意不自安。郅惲說太子曰。久處疑位。上違孝道。下近危殆。不如辭位以奉養母氏。太子從之。數因左右及諸王。陳其懇誠。願備藩國。上不忍。遲回者數歲。六月戊申。詔曰。春秋之義。立子以貴。東海王陽。皇后之子。宜承大統。皇太子彊。崇執謙退。願備藩國。父子之情。重久違之。其封彊爲東海王。立陽爲皇太子。改名莊。帝以桓榮爲議郎。使授太子經。車駕幸太學。會諸博士論難于前。榮辨明經義。每以禮讓相厭。不以辭長勝人。儒者莫之及。又詔諸儒生。雅歌擊磬。盡日乃罷。帝使左中郎將鍾興。授皇太子及宗室諸侯春秋。賜興爵關內侯。興辭以無功。帝曰。生教訓太子及諸王侯。非大功邪。興曰。臣師少府丁恭。于是復封恭。而興遂固辭不受。桓榮。字春卿。沛國龍亢人。習歐陽尚書。鍾興。字次文。汝南汝陽人。丁恭。字子然。山陽東緡人。俱習公羊嚴

氏春
秋。

賜雒陽令董宣

字少平。陳留圉人。

錢三十萬。

董宣爲雒陽令。湖陽公主蒼頭白日殺人。因匿主家。吏不能得。及主出行。以奴驂乘。宣候之。駐車叩馬。以刀畫地。大言數主之失。叱奴下車。因格殺之。主卽還宮訴帝。帝大怒。召宣。欲箠殺之。宣叩頭曰。願乞一言而死。帝曰。欲何言。宣曰。陛下聖德中興。而縱奴殺人。將何以治天下乎。臣不須箠。請自殺。卽以頭擊楹。流血被面。帝令小黃門持之。使叩頭謝主。宣不從。彊使頓之。宣兩手據地。終不肯俯。主曰。文叔爲白衣時。藏亡匿死。吏不敢至門。今爲天子。威不能行一令乎。帝笑曰。天子不與白衣同。

因敕彊項令出。賜錢三十萬。宣悉以班諸吏。由是能搏

擊豪彊。京師莫不震慄。

歌之曰。桴鼓不鳴董少平。宣在縣五年卒。

秋九月。帝如南頓。賜復二歲。

上幸南陽。進幸汝南南頓縣舍。置酒會。賜吏民。復南頓田租一歲。父老前叩頭言。願賜復十年。帝曰。天下重器。常恐不任。日復一日。安敢遠期十歲乎。吏民又言。陛下實惜之。何言謙也。帝大笑。復增一歲。

甲辰二十年夏四月。大司徒涉下獄死。大司空融坐免。

戴涉坐入故太倉令奚涉罪。下獄死。帝以三公連職。策免竇融。

五月。大司馬廣平

漢縣。故城在今直隸廣平府雞澤縣。今廣平縣。金大定中置。

侯吳漢

後漢書

卷之二十一

三

卒。諡曰忠。

漢病篤。車駕親臨。問所欲言。對曰。臣愚無所知識。願陛

下慎無赦而已。及薨。詔送葬如大將軍霍光故事。漢性

每從征伐。帝未安。常側足而立。諸將見戰陳不利。或多

惶懼。漢意氣自若。方整厲器械。激揚吏士。每當出師。朝

受詔。夕則引道。初無辦嚴之日。及在朝廷。斤斤謹質。形于體貌。故能任職。以功名終。

六月。以蔡茂字子禮。河為大司徒。朱浮為大司空。

太子太傅張湛。字子孝。平陵人。為人矜嚴。敢直諫。常乘

白馬。帝每見之。輒曰。白馬生且復諫矣。自郭后之廢。稱疾不朝。帝彊起之。欲以為大司徒。湛固

辭疾篤。不能復任朝事。遂罷之。而用茂浮。

冬。十二月。遣馬援屯襄國。漢縣。故城在今直隸順德府邢臺縣。

馬援自交趾還。平陵孟冀迎勞之。援曰。方今匈奴烏桓

尚擾北邊。欲自請擊之。男兒要當死于邊野。以馬革裹屍還葬耳。何能卧牀上。在兒女子手中邪。冀曰。諒爲烈士當如是矣。十二月。匈奴寇天水。扶風。上黨。援自請擊。帝使出屯襄國。詔百官祖道。援謂黃門郎梁松。字伯孫。統之子。竇固。字孟孫。融弟友之子。曰。凡人富貴。當可復使賤也。如卿等。欲不可復賤。居高堅自持。勉思鄙言。

乙巳

二十一年秋。鮮卑寇遼東。太守祭彤

字次孫。遵從弟。擊走之。

先是。烏桓。鮮卑。

注見前。

與匈奴連兵入寇。代郡以東。尤被

其害。至是。鮮卑萬餘騎寇遼東。太守祭彤率數千人迎擊之。自被甲陷陣。虜大奔。投水死者過半。遂窮追出塞。虜急。皆棄兵。躡身散走。是後。鮮卑震怖。不敢復窺塞。

冬。西域十八國遣子入侍。請都護。不許。

先是。莎車王賢遣使奉獻。願屬漢。復置都護。帝不許。旋復遣使爲請。因賜賢西域都護印綬。及車旗黃金錦繡。敦煌太守裴遵上言。戎狄不可假以大權。且令諸國失望。因詔收還都護印綬。更賜賢漢大將軍印綬。賢由此始恨。至是。浸以驕橫。欲兼并西域。數攻諸國。諸國愁懼。車師前王鄯善等十八國。俱遣子入侍。願得都護。帝以中國初定。北邊未服。皆還其侍子。厚賞賜之。諸國聞都護不出。而侍子皆還。大憂恐。乃與敦煌太守檄。願留侍子以示莎車。言侍子見留。都護尋至。冀且息其兵。裴遵以狀聞。帝許之。旣而侍子久留敦煌。皆愁思亡歸。莎車

王賢知都護不出。擊破鄯善。攻殺龜茲。

音鳩慈。前書國治延城。去長安

七千四百八十里。王。鄯善王安上書願復遣子入侍。更請都護。

帝仍不許。于是鄯善車師復附匈奴。

丙午二十二年夏五月乙未晦日食。

秋九月地震。

冬十月大司空浮免以杜林爲大司空。

以劉昆字桓公。陳留東昏人。爲光祿勳。

初昆爲江陵令。縣有火災。昆向火叩頭。火尋滅。後爲弘

農太守。虎皆負子渡河。帝聞而異之。徵昆爲光祿勳。帝

問昆曰。前在江陵。反風滅火。後守弘農。虎北渡河。行何

德政而致是事。對曰。偶然耳。左右皆笑。帝嘆曰。此乃長

者之言也。顧命書諸策。

匈奴求和親。許之。

匈奴單于興死。子蒲奴立。時匈奴連年旱蝗。赤地數千

里。人畜饑疫。死耗大半。單于畏漢乘其敝。乃遣使詣漁

陽求和親。帝遣中郎將李茂報命。

烏桓乘匈奴之弱。擊破之。匈奴北徙數千

里。幕南地空。詔罷諸邊郡亭候吏卒。以幣帛招降烏桓。

丁未二十三年夏五月。大司徒茂卒。以玉況

姓名。玉音肅。況字文伯。京兆人。

為大司徒。

秋八月。大司空林卒。冬十月。以張純為大司空。

武陵

漢郡。今湖南常德府是。

蠻

盤瓠之後。散居谿峒。今湖南諸苗是也。

反。遣將軍劉尚

擊之。敗沒。

尚沂沅水。

出貴州黎平府苗地。逕湖南之沅州。辰州至常德入洞庭湖。九江之一也。

入武谿。

卽武陵谿。出武陵縣武山入沅水。

輕敵深入。蠻乘險要之。尚一軍悉沒。

戊申

二十四年春正月。匈奴南邊八部立日逐王比爲南單

于。欵塞內附。

初。匈奴呼韓邪單于約諸子皆以次立。至單于與有弟

曰知牙師。

王昭君之子。

爲右谷蠡王。以次當爲左賢王。左賢

王次卽當爲單于。與欲傳其子。遂殺知牙師。故烏珠留

單于之子比爲右莫。

於六韃反。紀言。

日逐王領南邊八部。

見知牙師死。內懷猜懼。多出怨言。庭會稀濶。單于疑之。

乃遣兩骨都侯監領比所部兵。及與死。子蒲奴立。比益

恨望。密遣漢人郭衡奉匈奴地圖詣西河太守求內附。

單于搆難自分南北欵塞
何不可許而議者紛紛欲
拒之彼不過持不開邊釁
之說耳不知能自強者外
侮不敢窺不能自強者雖
謹守而外侮亦將伺其隙
增幣和親損國威重而反
以爲得計者可謂強顏矣

趙充國平羌馬援征蠻皆
屬老而益壯乃充國卒以

後漢書卷之二十一

卷之二十一

六

兩骨都侯頗覺其意勸單于誅比比弟斬將王匈奴日
逐王溫
禺鞮王斬將王皆
有左右是爲六角在單于帳下聞之馳以報比比遂聚
八部兵四五萬人待兩骨都侯還欲殺之骨都侯且到
知其謀亡去單于遣萬騎擊之見比衆盛不敢進而還
八部大人乃共議立比爲呼韓邪單于欵五原塞願永
爲藩蔽扞禦北虜事下公卿議者皆以爲天下初定中
國空虛不可許五官中郎將耿國字叔憲獨以爲宜如
孝宣故事受之令東扞鮮卑北拒匈奴率屬四夷完復
邊郡帝從之是冬十月比遂立爲南單于奉藩稱臣于
是分爲南北匈奴

秋七月遣馬援征武陵蠻

成功而援不克集事是豈
時命為之抑亦遠猷勝算
援固有不逮充國者至於
身搜瘡痍以死勤事鞠躬
盡瘁之義實為無愧胡寅
乃謂馬革裹屍幾於馮婦
石然則臨陣鼠竄者將謂
明哲保身乎不獨刻論直
是庸談

武陵蠻寇臨沅

漢縣。今曰武陵。為常德府治。

遣謁者李嵩中山太守

馬成討之不克馬援請行帝愍其老未許援曰臣尚能

披甲上馬帝令試之援據鞍顧盼以示可用帝笑曰矍

鑠

輕健貌。

哉是翁遂遣率中郎將馬武耿舒

身之弟。

等將四

萬餘人征五溪

水經注。武陵有五溪謂雄溪橘溪西溪瀟溪辰溪。悉是蠻夷所居。

援謂

友人杜愔曰吾受厚恩年迫日索常恐不得死國事今

獲所願甘心瞑目但畏長者家兒

謂權要子弟。

或在左右與

從事殊難得調介介獨惡是耳

酉巳

二十五年春正月。貊人鮮卑烏桓並入朝貢。

遼東徼外貊人寇邊。太守祭彤招降之。彤又以財利撫
約鮮卑大都護偏何。使招致異種。絡繹欵塞。彤曰。審欲

立功當擊匈奴。斬送頭首。乃信耳。偏何等即擊匈奴。斬

二千餘級。持首詣郡。其後歲歲相攻。輒送首級受賞賜。

自是匈奴衰弱。邊無寇警。鮮卑。烏桓並入朝貢。是冬。遼

大人郝且等率眾內屬。詔封其渠帥為侯王。君長者八

十一人。使居塞內緣邊諸郡。以司徒掾班彪言。置烏桓

校尉以領之。歲時互市。三月戊申晦。日食。

夏。新息。漢縣。後漢侯國。故城在今河南光州息縣。侯馬援卒于軍。詔收其印綬。

援軍至臨鄉。水經注。沅南縣城。馬援討臨鄉所築。蠻方

攻縣。迎擊破之。斬獲三千餘人。餘皆散走。先是。軍次下

雋。漢縣。故城在今湖南辰州府沅陵縣。考元和志。續有

兩道可入從壺頭。山名。在沅陵縣東。水經注。壺頭山高

則路近而水險。從充。

漢縣故城在今湖南澧州安福縣。

則塗夷而運遠。

耿舒欲從充道。援以爲棄。曰。費糧不如從壺頭。搃其咽

喉。充賊自破。事上。帝從援策。至是進營壺頭。賊乘高守

隘。水疾。船不得上。會暑甚。士卒多疫死。援亦中病。乃穿

岸爲室。以避炎氣。賊每升險鼓譟。援輒曳足以觀之。左

右哀其壯意。莫不爲之流涕。耿舒與兄弇書曰。前舒言

當先擊充。糧雖難運。而兵馬得用。今壺頭竟不得進。大

衆拂鬱行死。誠可痛惜。當賊在臨鄉。若夜擊之。即可殄

滅。伏波類西域賈胡。到一處輒止。以是失利。弇得書奏

之。帝乃使中郎將梁松乘驛責問援。因代監軍。會援卒。

松因宿恨。遂搆陷援。

初。松嘗候援。獨拜牀下。援自以松父友。不答。松意不平。援兄子嚴。敦。

梁松與馬援有隙。光武宜

後漢光武皇帝

八

知之乃以援兵失利遣松
責問使非宗均平羣蠻則
援陷無辜如國事何帝蓋
未之思耶

並喜譏議通輕俠援在交趾還書戒之曰吾欲汝曹聞
人過失如聞父母之名耳可得聞口不可得而言也龍
伯高敦厚周慎口無擇言吾愛之重之願汝曹效之杜
季良豪俠好義父喪致客數郡畢至吾愛之重之不願
汝曹效也效伯高不得猶為謹敕之士所謂刻鵠不成
尚類鶩者也效季良不得陷為天下輕薄子所謂畫虎
不成反類狗者也伯高山陽長龍述季良越騎司馬杜
保也會保仇人上書訟保亂羣惑眾伏波將軍萬里還
書以誡兄子而梁松竇固與之交結帝召松固以訟書
及援誡書示之松固叩頭流血乃得不罪詔免保官擢
拜龍述為零陵太守松由帝大怒迫收援新息侯印綬
此恨援及是上書搆之
初援在交趾常餌薏苡實能輕身勝瘴氣軍還載之一
車及卒後有譖之者以為昔所載還皆明珠文犀帝益
怒援妻孥惶懼詣闕請罪帝乃出松書以示方知所坐
賓客故人莫敢弔者前雲陽令朱勃字叔陽後同郡人詣闕上
書訟之帝意稍解

冬十月監軍謁者宗均矯制告諭羣蠻降之。

宗均范書列傳作宋南蠻

傳作宗。袁紀與范書列傳同。通鑑因兩據之。于此作宗。于後均爲尚書令則作宋。考章懷太子傳注引謝承後漢書曰。宗資家世爲漢名臣。祖父均。自有傳。胡三省亦引趙明誠金石錄及宗資墓碑爲證。謂自均以下。姓俱作宗。而列傳轉寫爲宋。誤也。據此則後宋均當改作宗。但范書袁紀傳世已久。通鑑兩據亦存疑之意。今依之。而具其說于此。

馬援旣卒。軍士疫死者大半。蠻亦饑困。均與諸將議。欲

權承制降之。諸將莫敢應。均曰。忠臣出境。有可以安國

家。專之可也。乃矯制調伏波司馬呂种。以詔書入虜營。

告以恩信。因勒兵隨其後。羣蠻震怖。遂降。均爲置長吏

而還。

均未至。先自劾矯制之罪。上嘉其功。迎賜以金帛。

庚戌二十六年春正月。詔增百官奉。

千石以上。減于西京舊制。六百石以下。增于舊秩。

初作壽陵。

帝曰。古者帝王之葬。皆陶人瓦器。木車茅馬。使後世之人。不知其處。太宗識終始之義。景帝能述遵孝道。遭天下反覆。而霸陵獨完。受其福。豈不美哉。今所制地。不過二三頃。無爲山陵陂池。裁令流水而已。使迭興之後。與邱隴同體。

冬。徙南單于居西河美稷。

漢縣故城在今鄂爾多斯左翼中旗。

先是遣中郎將段郴副校尉王郁使南匈奴。立單于庭。詔聽南單于入居雲中。置使匈奴中郎將以領之。至是復詔單于徙居西河美稷。因使郴郁留西河擁護之。令西河長史歲將騎二千。弛刑五百人。助中郎將衛護單

于冬屯夏罷。自後以爲常。南單于旣居西河。亦列置諸部王。助漢扞戍北地。朔方。五原。雲中。定襄。鴈門。代郡。皆領部衆。爲郡縣偵邏耳目。

辛亥二十七年夏四月。大司徒況卒。

五月。詔三公去大名。改司馬曰太尉。

以趙喜爲太尉。馮勤爲司徒。

北匈奴求和親。不許。

北匈奴遣使詣武威。求和親。帝詔公卿廷議。不決。皇太子言曰。南單于新附。而反交通北虜。臣恐南單于將有二心。帝然之。告武威太守。勿受其使。臧宮馬武上書曰。虜今人畜疫死。旱蝗赤地。疲困乏力。不當中國一郡。今

命將臨塞。厚縣購賞。北虜之滅。不過數年。詔報曰。今國無善政。災變不息。百姓驚惶。人不自保。而復欲遠事邊外乎。誠能舉天下之半。以滅大寇。豈非至願。苟非其時。不如息民。自是諸將莫敢言兵事者。

王

二十八年夏六月。沛太后郭氏薨。

劉友益書法。王太后卒。未有書者。此其書

何。廢后也。廢后以善終者鮮矣。故特書之。

郭后既廢。為中山太后。以中山王徙封沛。遂復為沛太

后。

后弟況。為大鴻臚。帝數幸其第。賞賜金錢。縑帛。豐盛莫比。京師號況家為金穴。

至是薨。葬北

詔郭況子璜尚南陽公主。

帝又以東海王彊去就有禮。以魯益封之。賜虎賁旄頭。設

鐘虞之樂。擬于乘輿。

秋八月。遣諸王就國。

先是諸王在京師競修名譽招游士馬援兄子壻王磐

莽從兄平阿侯仁之子以游俠名京師與諸貴戚相友善援決其必敗後果坐事死有子肅出入

王侯邸第援謂呂种曰國家諸子並壯交通賓客大獄

起矣卿曹戒慎之至是有上書告肅等受誅之家為諸

王賓客慮因事生亂會更始子壽光侯鯉得幸于沛王怒沛王坐繫詔怨劉盆子結客殺故式侯劉恭帝獄三日乃得出詔下郡縣收捕諸王賓客相引者以千

數呂种亦與禍嘆曰馬將軍真神人也于是諸王俱遣

就國

以張佚為太子太傅桓榮為少傅

上大會羣臣問誰可傳太子者羣臣承望上意皆言太

子舅執金吾原鹿後漢侯國即春秋鹿上注見前侯陰識可博士張佚

即北漢通鑑卷之二十二後漢光武皇帝

班彪之言頗中事情爾時雖不比漢武之張皇其視元成國勢疲不猶以虛文緣飾者則過之遠矣

正色曰。今陛下立太子。爲陰氏乎。爲天下乎。卽爲陰氏。則陰侯可。爲天下。則固宜用天下之賢才。帝稱善。曰。欲置傅者。以輔太子也。今博士不難正朕。况太子乎。卽拜佚爲太子太傅。以博士桓榮爲少傅。賜以輜車乘馬。榮大會諸生。陳其車馬印綬。曰。今日所蒙。稽古之力也。可不勉哉。

北匈奴復乞和親。許之。

北匈奴遣使貢馬及裘。更乞和親。并請音樂。又求率西域諸國胡客俱獻見。帝下三府議酬答之宜。司徒掾班彪曰。北匈奴見南單于來附。懼謀其國。故數乞和親。又遠驅牛馬。與漢合市。重遣名王。多所貢獻。臣見其獻益

重其國益虛。歸念愈數。爲懼愈多。然今旣未獲助南。則亦不宜絕北。羈縻之義。禮無不答。謂可頗加賞賜。略與所獻相當。報答之辭。令必有適。當也。彪因立藁草並上。帝悉納從之。

癸丑

二十九年春二月丁巳朔日食。

甲寅

三十年春二月帝東巡。

羣臣上言。卽位三十年。宜封禪泰山。詔曰。卽位三十年。百姓怨氣滿腹。吾誰欺。欺天乎。曾謂泰山不如林放乎。何事汙七十二代。封禪書管仲曰古者封泰山禪梁父者七十有二君。之編錄。若郡縣遠遣吏上壽。盛稱虛美。必髡令屯田。于是羣臣不敢復言。

閏月。帝還宮。

有星孛于紫宮。

膠東侯賈復卒。諡曰剛。

復從征伐。未嘗喪敗。數與諸將潰圍解急。帝以復取深入。希令遠征。而壯其勇節。常自從之。故少方面之勲。諸將每論功伐。復未嘗有言。帝輒曰。賈君之功。我自知之。

乙卯三十一年夏五月大水。

癸酉晦日食。

丙辰建武中元元年春正月。以第五倫齊諸田徒園陵。以次為氏。曰第五。倫字伯

魚長陵人。為會稽太守。

京兆掾第五倫。領長安市。公平廉介。市無姦杜。後補淮

陽王醫工長王入朝。倫隨官屬得會見。帝問以政事。大
悅。明日復特召入。與語至夕。以倫為扶夷。漢縣故城在今湖南寶慶府武岡州。長未到官。追拜會稽太守。為政清而有惠。百姓愛
之。

二月。帝東巡。封泰山。禪梁陰。梁父山之北。

上讀河圖會昌符。識記之書名。曰。赤劉之九。會命岱宗。上感

此文。乃詔虎賁中郎將梁松等。按索河洛讖文。言九世
當封禪者。凡三十六事。于是張純等復奏請封禪。上乃

許焉。二月辛卯。登封泰山。事畢。乃下甲午。禪于梁父。

三月。司空純卒。

夏四月。帝還宮。赦改元。

六月以馮魴字孝孫南陽湖陽人爲司空。

司徒勤卒。

京師醴泉出赤草生郡國言甘露降。

羣臣奏言靈物仍降宜令太史撰集以傳來世帝不納。常自謙無德每郡國所上輒抑而不賞故史官罕得而記焉。

冬十月以李訢東萊人爲司徒。

尊薄太后曰高皇后遷呂太后主于園薄后配食地祇呂后四時上祭。

十一月甲子晦日食。

起明堂。

禮圖建武三十二年作明堂上圓下方十二堂九室室八窻十有二戶四面起土作塹上作橋塹中

桓譚始以鼓琴進其所謂
文學者蓋亦可知然其論
符命則甚正光武以為非
聖無法幾致大戮實過當
矣

無水去平城。靈臺。漢宮閣疏。靈臺門二里所。高六丈。十二門。辟雍。漢官儀。辟雍去明外。三月九月。皆于中行鄉射禮。宣布圖讖于天下。

初。上以赤伏符即帝位。由是信用讖文。多以決定嫌疑。給事中桓譚上疏諫曰。凡人忽于見賢遍反事。而貴于異聞。觀先王之所紀述。咸以仁義正道為本。非有奇怪虛誕之事。今諸小慧伎數之人。增益圖書。矯稱讖記。其事雖有時合。譬猶卜數隻偶之類。陛下宜垂明聽。發聖意。屏羣小之曲說。述五經之正義。疏奏。帝不悅。會議靈臺所處。帝曰。吾欲以讖決之。譚復極言讖之非經。帝大怒。曰。桓譚非聖無法。將下斬之。譚叩頭流血。良久乃得解。出為六安郡丞。道病卒。

丁巳二年春正月初立北郊祀后土。

二月帝崩。

帝崩于南宮前殿。年六十三。帝每日視朝。日昃乃罷。數引公卿郎將講論經理。夜分乃寐。皇太子見帝勤勞不怠。承間諫曰。陛下有禹湯之明。而失黃老養性之福。願頤愛精神。優游自寧。帝曰。我自樂此。不爲疲也。雖以征誅濟大業。及天下既定。乃退功臣而進文吏。明慎政體。總攬權綱。量時度力。舉無過事。故能恢復前烈。身致太平。時太尉趙憙典喪事。會經王莽之亂。舊典不存。皇太子與諸王雜坐同席。藩國官屬出入宮省。與百僚無別。憙正色橫劍殿階。扶下諸王。以明尊卑。奏遣謁者將護。

官屬分止他縣。諸王並令就邸。唯朝晡人臨。整禮儀。嚴

門衛。內外肅然。

山陽王荆作飛書。令蒼頭詐稱大鴻臚。郭况書與東海王璽。言其無罪廢黜。及

郭后黜辱。勸令東歸舉兵。以收天下。且曰。寧為秋霜。無為檻羊。彊得書惶怖。即執其使上之。太子以荆母弟。秘其事。既即位。徙荆為廣陵王。後荆以罪自殺。國除。

太子莊即位。

是為孝明帝。

尊皇后曰皇太后。

三月。葬原陵。

在河南府孟津縣西。

賀善贊曰。世祖即位之初。首以卓茂為太傅。封褒德侯。而當時多循吏。天下略定。即起太學。親臨視之。而東都盛儒學。徵三處士。而未造多節義之士。其所以祀漢配天。以垂二百年之基者。蓋在于此。然以私愛廢皇后太子。信圖讖。竟事封禪。獨此二者。不能不為盛德之累。至其加恩廢后母子親黨。則又後世人主所難能也。

夏四月。以鄧禹為太傅。東平王蒼為驃騎將軍。

詔曰。方今上無天子。下無方伯。若涉淵水而無舟楫。夫萬乘至重。而壯者慮輕。實賴有德。左右小子。高密侯禹。元功之首。東平王蒼。寬博有謀。其以禹爲太傅。蒼爲驃騎將軍。

顯宗孝明皇帝。

戊午永平元年春正月。朝原陵。

帝率公卿以下。朝于原陵。如元會儀。乘輿拜神坐。退坐東廂。侍衛官皆在神坐後。太官上食。太常奏樂。郡國上計吏。以次前當神軒。占其郡穀價。及民所疾苦。是後遂以爲常。

夏五月。太傅高密侯鄧禹卒。諡曰元。

東海王彊卒。

劉友益書法。廢太子書卒。善彊之能處廢也。

帝從太后出幸津門。

一名津陽門。洛陽城南面西門。

亭發哀。使司空持

節護喪事。贈送以殊禮。詔諸王及京師親戚皆會葬。

秋七月。將軍馬武擊燒當羌。

羌自無弋爰劍之後。五世至研。研最豪健。自後以研為種

號。又十三世至燒當。復豪健。子孫遂更號燒當。破之。

初。燒當豪滇良。

羌豪姓名。

擊破先零。奪居其地。滇良卒。子滇

吾與弟滇岸率眾寇隴西。于是守塞諸羌皆叛。詔謁者

張鴻擊之。鴻軍敗沒。乃遣馬武將四萬人討之。

事在建武中元

二年。至是武擊破燒當。餘羌皆散走。

遼東太守祭彤討烏桓。大破之。罷緣邊屯兵。

彤使偏裨討赤山。

後漢書烏桓傳。赤山在遼東西北數千里。

烏桓大破之。斬

其魁帥塞外震讐。西自武威東盡元菟皆來內附。野無風塵。乃悉罷緣邊屯兵。

已未

二年春正月宗祀

宗尊也尊而祀之以配上帝

光武皇帝于明堂

東平王蒼以為中興三十餘年宜修禮樂乃與公卿共

議定南北郊冠冕車服制度

胡三省注光武已立南北郊今定其冠冕車服制度

及光武廟登歌八佾舞數上之至是宗祀明堂帝及公

卿列侯始服冠冕玉佩以行事

胡三省注漢承秦敝未能有所制立及中興後

明帝始采周官禮記尚書及諸儒記說備袞冕車服之制禮畢登靈臺望雲物

三月臨辟雍行大射禮

冬十月行養老禮

上幸辟雍初行養老禮以李躬為三老

老人知天地人之事者桓

耳
官後辭如萬國萬區之類
園橋觀聽以億萬計亦史

榮爲五更。

老人知五行代更者。

三老服都紵。

績紵以爲美布故曰都紵。

大袍冠。

進賢。

古緇布冠也。儒者之服。

扶玉杖。

長九尺刻玉爲鳩杖亦曰玉杖。杖端曰鳩杖。

五更。

亦如之。不杖乘輿到辟雍禮殿御坐東廂遣使者安車

迎三老五更于太學講堂。天子迎于門屏交禮道自阼

階。三老升自賓階至階。天子揖如禮。三老升東面三公

設几九卿正履。天子親袒割牲執醬而饋執爵而酌祝

哽在前祝饌在後五更南面三公進供禮亦如之禮畢

引桓榮及弟子升堂上自爲下說。

章懷注謂下語而講說也。諸儒執

經問難于前冠帶縉紳之人園橋門而觀聽者蓋億萬

計。于是下詔賜榮爵關內侯三老五更皆以二千石祿

養終厥身。賜天下三老酒人一石肉四十斤。

上自爲太子受尚書

于桓榮及卽帝位。猶尊榮以師禮。常幸太常府。令榮坐東面。設几杖。會百官。及榮門生數百人。上親自執業。諸生或避位發難。上謙曰。太師在是。旣罷。悉以太官供具。賜太常家。榮每疾病。帝輒遣使者存問。太官太醫相望于道。及篤。上疏謝恩。讓還爵土。帝幸其家。問起居。入街下車。擁經而前。撫榮垂涕。賜以牀茵帷帳。刀劍衣被。良久乃去。自是諸侯將軍大夫問疾者。不敢復乘車到門。皆拜牀下。榮卒。帝親自變服。臨喪送葬。賜冢塋于首山。之陽。子郁當嗣。讓其兄子汎。帝不許。郁乃受封。而悉以租入與之。帝以郁爲侍中。首山卽首陽山。在河南府偃師縣西北。縣有桓榮墓。

庚申

三年春二月太尉憲司徒訢免以郭丹

字少卿南陽穰人爲司

徒虞延

字子大陳畱東昏人

爲太尉。

立貴人馬氏爲皇后子烜爲皇太子。

后援之女也。光武時以選入太子宫。能奉承陰后。傍接同列。禮則修備。上下安之。遂見寵異。及帝卽位。爲貴人。

時后前母姊女賈氏亦以選入。生皇子炆。帝以后無子。命養之。謂曰。人未必當自生子。但患愛養不至耳。后于是盡心撫育。勞悴過于所生。太子亦孝性淳篤。母子慈愛。始終無纖介之間。后常以皇嗣未廣。薦達左右。若恐不及。後宮有進見者。每加慰納。若數所寵引。輒增隆遇。及有司奏立長秋宮。帝未有所言。皇太后曰。馬貴人德冠後宮。卽其人也。后旣正位宮闈。愈自謙肅。好讀書。常衣大練裙。不加緣。朔望諸姬主朝請。望見后袍衣疎麗。以爲綺縠。就視乃笑。后曰。此繒特宜染色。故用之耳。羣臣奏事有難平者。帝數以試后。后輒分解趣理。各得其情。然未嘗以家私干政事。帝由是寵敬。始終無衰焉。

雲臺圖畫皆中興佐命之臣然其中竟有功績未著而得廁名者萬修劉植等是也世徒以不入馬援爲因椒房之親然當時若鄧晨之首從南陽來歙之捐軀隴石曾不得與王常李通並預增益之數又豈皆以戚屬故耶則當時之旌表實有不服人心者矣

圖畫中興功臣于雲臺

在河南府洛陽縣東水南堡

帝思中興功臣乃圖二十八將于南宮雲臺以鄧禹爲

首次馬成吳漢王梁賈復陳俊耿弇杜茂寇恂傅俊岑

彭堅鐔馮異王霸朱祐任光祭遵李忠景丹萬修蓋延

邳彤鮑期劉植耿純臧宮馬武劉隆又益以王常李通

竇融卓茂合三十二人馬援以椒房之親獨不與焉

夏六月有星孛于天船

天官書天船有九星北在大陵北一曰舟星北

大起北宮旣而罷之

時天旱尚書僕射鍾離意

字子阿會稽山陰人

詣闕免冠上疏曰

昔成湯遭旱以六事自責切見北宮大作民失農時自

古非告宮室小狹但患民不安寧宜且罷止以應天心

明帝杖撞藥松入牀直令人噴飯

帝策詔報曰。湯引六事。咎在一。其冠履勿謝。又敕大

匠。止作諸宮。減省不急。詔因謝公卿百僚。遂應時澍雨。

帝性褊察。好以耳目隱發爲明。公卿大臣。數被詆毀。近臣尚書以下。至見提曳。常以事怒郎藥崧。以杖撞之。崧走入牀下。帝怒甚。疾言曰。郎出。崧乃曰。天子穆穆。諸侯皇皇。未聞人君自起撞郎。帝乃赦之。

秋八月壬申晦日食。

詔曰。昔楚莊無災。以致戒懼。說苑。楚莊王曰。天不見妖。

魯哀禍大。天不降譴。春秋感精符。魯哀公政亂。而不日食。告之不悟也。今之動

變。倘尚可救。有司勉思厥職。以匡無德。

冬十月。帝奉皇太后如章陵。

車駕從皇太后幸章陵。荊州刺史郭賀。字喬卿。雒陽人。官有殊

政。上賜以三公之服。黼黻冕旒。敕行部去檐帷。使百姓

見其容服以彰有德

辛酉四年春帝如河內不至而還

帝近出觀覽城第欲遂校獵河內東平王蒼上書諫帝覽奏即還宮

冬十月司徒丹司空魴免以范遷字子廬沛國人為司徒伏恭字叔

齊湛兄子為司空

梁松以罪下獄死

松坐怨望縣

讀曰懸

飛書誹謗下獄死

初上為太子大中大夫鄭典子衆以

通經知名太子及山陽王荆因梁松以縑帛請之衆曰太子儲君無外交之義漢有舊防藩王不宜私通賓客松曰長者意不可逆衆曰犯禁觸罪不如守正而死遂不往至是松敗賓客多坐之惟衆不染于辭衆字仲

師以明經給事中

五年春正月。驃騎將軍蒼罷歸藩。

東平王蒼自以至親輔政。聲望日重。意不自安。前後累

上疏。稱自漢興以來。宗室子弟無得在公卿位者。乞上

驃騎將軍印綬。退就藩國。辭甚懇切。至是。帝乃許蒼還

國而不聽上將軍印綬。以驃騎長史為東平太傅。掾為中大夫。令史為王家郎。

安豐侯寶融卒。諡曰戴。

癸亥六年春二月。王雒山。胡三省注。據本紀。山在廬江郡。雒或作雄。出寶鼎。詔禁

章奏浮詞。

詔曰。祥瑞之降。以應有德。方今政化多辟。何以致茲。易

曰。鼎象三公。豈公卿奉職得其理邪。其賜三公帛五十

匹。九卿二千石半之。先帝詔書。禁人上事言聖。而間者

章奏頗多浮詞。自今若有過稱虛譽。尚書皆宜抑而不省。示不為諂子嗤也。

甲子

七年春正月。皇太后崩。

諡光烈。合葬原陵。

以宋均

字叔庠。南陽安衆人。

為尚書令。

此宋均。即前矯制降蠻之宗均也。說已具前。

初。均為九江守。五日一聽事。悉省掾史。閉督郵府內。屬

縣無事。百姓安業。九江舊多虎暴。常募設檻穽。而猶多

傷害。均下記屬縣曰。夫江淮之有猛獸。猶北土之有雞

豚也。今為民害。咎在殘吏。而勞勤張捕。非憂恤之本也。

其務退姦貪。思進忠善。可一去檻穽。除削課制。其後無

復虎患。民傳言虎皆渡江而東去。

時楚沛多蝗。其飛至九江境者。輒東西散

去。由是遠近益稱之。

帝聞均名。故任以樞機。均謂人曰。國家喜文

劉昆既稱虎負子渡河。宋均在九江。虎又渡江東去。善政亦視感民何如耳。豈有於虎史家化談相襲。令人致疑循吏之實政。其誰之罪耶。

法廉吏。以爲足以止姦也。然文吏習爲欺謾。廉吏清在一已。無益百姓。均欲叩頭爭之。時未可改。久乃可言耳。會遷司隸校尉。未及言。後帝聞而善之。

乙丑八年春正月。司徒遷卒。三月。以虞延爲司徒。趙憙行太尉事。

始置度遼營。以中郎將吳棠行將軍事。

北單于求合市。帝許之。遣越騎司馬鄭衆往報命。南匈奴須卜骨都侯知漢與北虜交。使內懷嫌怨。欲叛。密使人詣北庭。令遣兵迎之。鄭衆出塞。疑有異。伺候。果得須卜使人。乃上言。宜更置大將。以防二虜交通。先是。大司農耿國請置度遼將軍。屯五原。朝廷不從。至是。乃置度

遼營。以中郎將吳棠行將軍事。將黎陽虎牙營士。漢官儀光

武以幽冀兵定天下。故于黎陽立營。屯五原。鄭衆北使時。單于欲令衆拜。

自誓。單于恐而止。乃更發使隨衆還京師。帝欲復遣衆報之。衆因上言。臣前奉使不拜。單于恚恨。今復銜命。必

見陵折。帝不聽。衆不得已。既行。連上書固爭之。詔迫還繫廷尉。會赦歸家。後帝見匈奴來使。聞衆與單于爭禮

之狀。乃復召衆為軍司馬。

秋。雨水。郡國凡十四。

始遣使之天竺。卽身毒國。注見前。求佛法。得其書及沙門至京師。

汪克寬考異。漢明帝始求佛法。綱目闕不書。綱。朱子所云。未及細看者。此也。今依王氏說補書。

初。帝聞西域有神。其名曰佛。因遣使之天竺。求其道。得

其書及沙門以來。其言大抵以虛無為宗。貴慈悲不殺。

以為人死。精神不滅。隨復受形。生時所行善惡。皆有報

應故所貴修練精神。以至爲佛。善爲宏闊勝大之言。以勸誘愚俗。精于其道者。號曰沙門。于是中國始傳其術。圖其形像。而王公貴人獨楚王英最先好之。袁宏曰。浮屠者。佛也。佛者。漢言覺。言將覺悟羣生也。沙門者。漢言息。謂息意去欲。而歸于無爲也。魏收曰。漢武帝獲休屠王金人。列于甘泉宮。不祭祀。但焚香禮拜。此則佛道流通之漸。哀帝元壽元年。博士弟子秦景憲受大月氏王使伊存口授浮屠經。中國聞之。未盡了也。後明帝夜夢金人。項有白光。飛行殿庭。乃訪羣臣。傅毅始以佛對。帝遣郎中蔡愔等使天竺。寫浮屠遺範。仍與沙門攝摩騰。竺法蘭。東還洛陽。中國有沙門跪拜之法。自此始。愔之還。以白馬負經而至。因立白馬寺于洛城雍關西。

冬十月壬寅晦。日食。旣。詔羣司極言。復以示百官。

詔羣司勉修職事。極言無諱。于是在位者皆上封事。各言得失。帝覽章。深自引咎。以所上班示百官。

丙寅九年夏四月。詔司隸刺史歲考長吏殿最以聞。

詔司隸校尉部刺史歲上墨綬長吏

秩四百石至二百石。是爲長吏。皆銅

印墨綬。

視事三歲以上。治狀尤異者各一人。與計偕上。及

尤不治者。亦以聞。

大有年。

劉友益曰。書大有年始此。

匈奴遣子入學。

帝崇尚儒學。自皇太子。諸王侯。及大臣子弟。功臣子孫。莫不受經。又爲外戚樊氏。郭氏。陰氏。馬氏。諸子。立學于南宮。號四姓小侯。置五經師。搜選高能。以授其業。自期門羽林之士。悉令通孝經章句。匈奴亦遣子入學。

丁卯十年夏。閏四月。帝如南陽。

上幸南陽。召校官弟子作雅樂。奏鹿鳴。帝自御塤。音噲。亦作

塤。音池。皆樂器。孔穎達曰。土曰塤。竹曰簫。和之。以娛賓客。

以丁鴻。字孝公。潁川定陵人。為侍中。

初陵陽。漢縣。故城在今江南池州府石埭縣。侯丁綝。字幼春。卒。子鴻當襲封。

上書稱病。讓國于弟盛。不報。既葬。乃挂衰經于家廬而

逃去。友人九江鮑駿遇鴻于東海。讓之曰。昔伯夷。吳札。

亂世權行。故得伸其志耳。今子以兄弟私恩。而絕不滅

之基。可乎。鴻感悟垂涕。乃還就國。鮑駿因上書薦鴻經

學至行。上徵為侍中。

戊辰十一年春正月。東平王蒼來朝。

蒼與諸王俱來朝。月餘還國。帝臨送歸宮。悽然懷思。乃

遣使手詔賜東平國中傅曰。辭別之後。獨坐不樂。因就

車歸。伏軾而吟。瞻望永懷。實勞我心。誦及采菽。小雅詩篇名。

序刺幽王于諸侯來朝。不能錫命以禮也。以增歎息。日者問東平王處家何

等最樂。王言為善最樂。其言甚大。副是要。讀為腰。腹矣。今

送列侯印十九枚。諸王子年五歲以上。能趨拜者。皆令

帶之。

已十二年春正月。哀牢。今雲南永昌府。古哀牢國。內附。

哀牢夷者。九隆種也。後漢書南蠻傳。哀牢之先。有婦人

有感懷妊。產子男十人。後沉木化為龍。出水。上九子驚

走。小子不能去。背龍而坐。龍因舐之。其母鳥語。謂背為

九。謂坐為隆。因名子曰九隆。後牢山下有一夫一婦。生

十女。九隆兄弟娶以為妻。後漸滋長。牢山。即九隆山。

在今永昌府保山縣西。

絕域荒外。山川阻深。未嘗通中國。至是其

王柳貌率眾五萬餘戶內屬以其地置哀牢故城在今保山縣

博南

故城在今永昌府永平縣二縣帝既立二縣乃罷益州西部都尉置永昌郡始通博南山度蘭

倉水

行者苦之歌曰漢德廣開不賓度蘭倉為他人

後漢

永昌郡治不韋故城在今保山縣博南山在今永

平縣西南一名金浪巔山俗訛為丁當丁山蘭倉水即今蘭滄江源出西蕃鹿石山由麗江府流入逕大理永

昌順寧蒙化景東諸府境其下流逕車里至交趾入南海明李元陽等所指為禹貢黑水者也

夏四月修汴渠隄

章懷曰汴渠即蕩蕩渠也自滎陽首受河宋張洎曰禹于滎澤下分大河為陰

溝引注東南以通淮泗至大梁西北復分為二渠一渠逕陽武中牟為官渡水一渠謂之鴻溝亦曰蕩蕩渠渠兼邲

之稱邲音汭古人避反字故改從汴考汴河源出滎陽為蕩蕩渠東流曰官渡水曰陰溝曰汭水其在大梁城南

分流者為鴻溝鴻溝南流兼沙水之目沙水支津又為睢水渦水名雖不一實則委別而源同也王莽時河決入汴

勢並東侵永平中治汴渠河汴遂各分流至隋大業初開通濟渠引穀洛水達于河自板渚引河達淮通濟渠即蕩

蕩渠也由是黃河復與汴通宋都大梁歲漕江淮湖浙之粟全藉汴以達京師故諸水莫此為重其後黃河屢決至

元泰定初。河徙陽武而南。奪汴入泗。以達于淮。于是汴河之故道。遂不復可考。至正時。賈魯引滎陽京索諸水。由鄭州中牟至開封之朱仙鎮。此本宋京水河。建隆時所開。其流亦與汴通。日久淤塞。故魯復開之。後遂名爲賈魯河。今河下流至陳州。入潁。以達于淮。

初平帝時。河汴決壞。久而不修。建武十年。光武欲修之。

浚儀

漢縣。注見前。

令樂俊上言。民新被兵革。未宜興役。乃止。

其後汴渠東浸。日月彌廣。兗豫百姓怨歎。會有薦樂浪

王景

字仲通。樂浪誦邯人。

能治水者。夏四月。詔發卒數十萬。遣景

與將作謁者王吳修汴渠隄。自滎陽東至千乘海口。

胡

曰。此大河之所經也。不言河者。蓋建都洛陽。東南之漕。全資汴渠。故惟此爲急。河汴分流。則運道無患。治河所以治汴也。千有餘里。景高度地勢。鑿山開澗。防遏衝要。疏決壅積。十里立一水門。令更相潤注。無復潰漏之患。雖簡

省費役。然猶以百億計。明年夏隄成。河汴分流。復其舊

迹。胡渭曰。河雖徙自周定王時。然入海猶是禹河故道。至王莽時。始改從千乘入海。而王景遂因之。蓋景商

度地勢。然後興工。不復禹河。則必用新河也。

秋七月。司空恭罷。以牟融字子優。北海安邱人。為司空。

庚午十三年。冬十月。壬辰晦。日食。

十一月。楚王英有罪。廢徙丹陽。後漢丹陽郡。治宛陵。今江南寧國府宣城縣是。

楚王英與方士作金龜玉鶴。刻文字為符瑞。男子燕廣。

告英與漁陽王平。顏忠等。造作圖書。有逆謀。事下案驗。

有司奏英大逆不道。請誅之。帝不忍。廢英徙丹陽涇縣。

漢縣。今屬寧國府。

辛未十四年。春三月。司徒延有罪。自殺。

先是有私以英謀告司徒虞延者。延以英藩戚至親。不
然其言。及英事覺。詔書切讓延。延自殺。

夏四月。以邢穆

字綏公。宛人。

爲司徒。

故楚王英自殺。

英至丹陽。自殺。詔以諸侯禮葬于涇。封燕廣爲折姦侯。

是時窮治楚獄。遂至累年。其辭語相連。自京師親戚諸

侯。州郡豪傑。及考案吏。阿附坐死徙者以千數。而繫獄

者尚數千人。

吳郡太守尹興及門下掾陸續等徵詣廷尉就考。續備受五毒。終無異辭。其母自吳

來。雒陽作食以饋續。對食悲泣。不自勝。治獄者問其故。續曰。母來不得見。故泣耳。問何以知之。續曰。母截肉木

嘗不方。斷葱以寸爲度。故知之。使者以狀聞。母截肉木。帝乃赦興等。禁錮終身。陸續字智初。吳人。時上怒甚。

吏皆惶恐。諸所連及。率一切陷人。無敢以情恕者。侍御

史寒朗

寒氏。出周武王子寒侯之後。朗字伯奇。魯國薛人。

心傷其寃言之于帝。

帝怒。朗曰。臣見考囚在事者。咸言妖惡大故。臣子所宜同疾。今出之。不如入之。可無後責。是以考一連十。考十連百。又公卿朝會。陛下問以得失。皆長跪言。舊制大罪。禍及九族。陛下大恩。裁止于身。天下幸甚。及其歸舍。口雖不言。而仰屋竊歎。莫不知其多寃。無敢悟陛下言者。臣今所陳。誠死無悔。帝意解。詔遣朗出。後二日。車駕自幸洛陽獄。錄囚徒。理出千餘人。時天旱。即下雨。馬后亦以楚獄多濫。乘間為帝言之。帝惻然感悟。夜起彷徨。由是多所降宥。詔有司。舉能治劇者。以袁安為楚郡太守。安到郡。不入府。先至獄所。理其無明驗者。條上出之。府丞掾史皆叩頭爭。以為阿附反虜。法與同罪。不可。安曰。如有不合。太守自當坐之。不以相及也。遂

馬后固不宜請子封而明
帝之對亦有失言何則分
封已非善政多給更爲亂
階婦人不得預朝政以是
斥之雖罪后可也至云不
宜與先帝子等此尤失之
帝王之業固欲其世世承
繼以至萬世使世世皆行
此言必至于無子男之爵
立錐之地而後可此則明
帝好名矯枉過正之論不

後漢書卷之二十二

分別具奏。帝感悟。即報許。得出者四
百餘家。袁安字邵公汝南汝陽人。

壬申十五年春二月帝東巡耕于下邳至魯詣孔子宅

帝親御講堂命皇太子諸王說經。

封子六人爲王。

封皇子恭爲鉅鹿王。黨爲樂成。即樂城故城在今直隸河間府獻縣。王衍

爲下邳王。暢爲汝南王。昺爲常山王。長爲濟陰。鉅鹿下

常山濟陰注俱見前。帝親定其封域。裁令半楚淮陽。馬后曰。諸

子食數縣。子制不已儉乎。帝曰。我子豈宜與先帝子等。

歲給二千萬足矣。

癸酉十六年春二月遣太僕祭彤都尉竇固等伐北匈奴。固

取伊吾盧地。今哈密是唐于此置伊州爲伊吾郡。彤不見虜而還下獄免。遂

已知其路於不可循矣故
曰雖小道必有可觀者焉
改遠惡泥

卒。

先是謁者僕射耿秉

字伯初國之子

數上言請擊匈奴帝令顯

親侯寶固太僕祭彤等議之

乃以秉為駙馬都尉固為

奉車都尉以駙都尉秦彭

字伯平茂陵人

為秉副耿忠

字子之為

固副皆置從事司馬出屯涼州

後漢涼州刺史治隴縣故城在今秦州清水縣

至是諸將分四道出塞

祭彤出高關寶固出酒泉耿秉出居延來苗出平城伐北

匈奴寶固破呼衍王

匈奴南部王

于天山

此北祁連也

取伊吾

盧地置宜禾都尉留兵屯之

耿秉擊匈奴林王

胡三省注匈奴當作句

匈奴嘗遣句林王迎盧芳

絕幕六百里乃還來苗至匈奴河水

前書臣瓚注水

去令居

上虜皆奔走無所獲祭彤與南匈奴左賢王信

期至涿邪山

注見前

信有嫌于彤出塞九百里得小山妄

以爲涿邪。不見虜而還。彤坐逗留。下獄免。彤自恨無功。

出獄數日。歐血死。

後烏桓鮮卑使至京師。過彤冢。皆拜謁號泣。遼東吏民爲立祠。四時祭之。

夏五月。司徒穆有罪。下獄死。

淮陽王延性驕奢。而遇下嚴烈。有上書告延與姬兄謝

弇及姊壻韓光。招姦猾。作圖讖。祠祭祝詛。事下案驗。弇

光及司徒邢穆皆坐死。所連及徙者甚衆。

戊午晦。日食。

以王敏

字叔公。并州隰城人。

爲司徒。

秋七月。徙淮陽王延爲阜陵。

後漢縣。故城在今江南滁州全椒縣。王

有司奏請誅延。上以延罪薄。于楚王英。徙封阜陵。食二

縣。

北匈奴寇雲中。太守廉范

字叔度。杜陵人。

擊却之。

北匈奴大入雲中。太守廉范率士卒拒之。虜衆盛。范兵不敵。會日暮。范令軍士各交縛兩炬。三頭爇火。營中星列。虜謂漢兵救至。大驚。待旦將退。范令軍中蓐食。晨往赴之。斬首數百級。虜自相躡藉。死者千餘人。由是不敢

向雲中。

范後遷蜀郡太守。成都邑。宇逼隘。舊制禁民夜作。以防火災。范至。毀削先令。嚴使儲水。百姓便

之。歌曰。廉叔度。來何暮。不禁火。民安作。平生無襦。今五袴。

甲戌

十七年春正月。謁原陵。

上當謁原陵。夜夢先帝太后如平生歡。既寤。悲不能寐。卽于明旦。率百官上陵。其日。甘露降于陵樹。上令百官采取以獻。

二月司徒敏卒。三月以鮑昱

字文泉永之子

為司徒。

白狼等國入貢。

益州刺史朱輔

梁國人

宣示漢德威懷遠夷自汶山

今四川茂

是。以西前世所不至正朔所未加。白狼槃木

皆西南遠夷國名

等百餘國皆舉種稱臣奉貢。

白狼王唐菰作詩三章歌頌漢德輔使掾田恭譯而

獻之。詔下史館錄其歌焉。

西域諸國遣子入侍。

後漢書明帝紀西域諸國遣子入侍。係于十七年三月通鑑載在十六年。

綱目因之。今依范書。

竇固使假司馬班超

字仲升彪之少子

與從事郭恂俱使西域。

超行到鄯善。鄯善王廣奉超禮敬甚備。後忽更疎懈。超謂其官屬曰。此必北虜使來。狐疑未知所從故也。乃召

侍胡詐之曰。匈奴使來數日。今安在乎。侍胡惶恐曰。到

已三口。去此三十里。超乃閉侍胡。悉會其吏士三十六

人。與共飲酒酣。因激怒之。

超曰。卿曹與我俱在絕域。今

卽廢。如令鄯善收吾屬送匈奴。骸骨長爲豺狼食矣。奈

何。衆曰。危亡之時。死生從司馬。超曰。丈夫不人虎穴。不

得虎子。爲今之計。獨有因夜以火攻虜使。彼必大震怖。

可殄盡也。滅此虜。則鄯善破膽。功成事立矣。衆皆曰善。

初夜。共奔虜營。殺匈奴使者。會天大風。超令十人持鼓。

當鳴鼓大呼。餘人悉持兵弩。夾門而伏。超乃順風縱火。

前後鼓譟。虜衆驚亂。超手格殺三人。吏兵斬其使及從

士三十餘級。明日。告郭恂。恂始大驚。已乃悅。召鄯善王以虜使首示

之一國。震怖。超曉告撫慰。遂納子爲質。還白竇固。固大

喜。具上超功效。帝以超爲軍司馬。令遂前功。當是時。于

闐王廣德。攻破莎車。

莎車王賢。以女妻廣德。廣德攻莎車。誘賢而殺之。

雄張南

道。

匈奴遣使護其國。

龜茲王建攻殺疏勒王而立其臣兜題爲

王。倚恃虜威。據有北道。超將其前所從三十六人。先至于闐。廣德禮意甚疎。且信其巫言。求取超騮馬。超佯許之。令巫自來取。巫至。超卽斬其首。以示廣德。且責讓之。廣德素聞超在鄯善。誅滅虜使。大惶恐。卽攻殺匈奴使者而降。超重賜之。因鎮撫焉。已從間道至疏勒。遣吏田慮先往降之。勅慮曰。兜題本非疏勒種。國人必不用命。若不卽降。便可執之。慮旣到。兜題見慮輕弱。無降意。慮因其無備。遂前刼縛兜題。左右出不意。皆驚走。慮馳報超。超卽赴之。悉召疏勒將吏。說如字以龜茲無道之狀。因立其故王子忠。釋兜題而遣之。國人大悅。由是諸國

皆遣子入侍。西域與漢絕六十五載。至是復通。

冬十一月遣竇固等擊車師。降之。復置西域都護。戊巳校尉。

竇固耿秉擊西域。定車師。

車師前王。即後王之子。其庭相去五百里。耿秉先擊後王。

斬數千級。後王安得震怖。脫帽抱馬足降。前王遂亦歸命。于是固奏復置西域都護。

及戊巳校尉。以陳睦為都護司馬。耿恭。

字伯宗。國弟廣之子。為戊

校尉。屯後王部金蒲城。

通典金蒲城。即車師後王所治。務塗谷。今庭州蒲類縣是也。

唐庭州。在今土魯番北五百里。謁者關寵為已校尉。屯前王部柳中城。

明史西域傳。柳城一名魯城。即後漢柳中地。西域長史所治。唐于此置柳中縣。東去哈密千里。

乙亥十八年春二月。北匈奴擊殺車師後王安得。遂攻戊校尉耿恭。恭擊却之。

北單于遣左鹿蠡王率二萬騎擊車師。耿种遣其司馬救之。軍盡沒。匈奴遂殺車師後王安得。而攻金蒲城。恭以毒藥傅矢。語匈奴曰。漢家箭神。中創者必有異。因發弩射之。虜應弦而倒。視創若沸。大驚。相謂曰。漢兵神。可畏也。遂解去。恭以疏勒城胡三省曰。此疏勒城。在車師後部。非疏勒國城也。傍有澗水可固。引兵據之。已而匈奴復來攻。擁絕澗水。恭于城中穿井。十五丈不得水。吏士渴乏。恭整衣服。向井再拜。爲吏士禱。身自輓籠。有頃。飛泉湧出。恭令吏士揚水以示虜。虜益大驚。復引去。

夏六月。有星孛于太微。注見前。

秋八月。帝崩。

帝崩于東宮前殿。年四十八。遺詔無起寢廟。藏主于光烈皇后更衣別室。帝遵奉建武制度。無所變更。后妃之家。不得封侯與政。館陶公主爲子求郎。不許。而賜錢千萬。謂羣臣曰。郎官上應列宿。出宰百里。苟非其人。則民受其殃。是以難之。公車以反支日。潛夫論注。反支日。用朔。四日反支。寅卯朔。五日反支。子丑朔。六日反支。辰巳朔。一日反支。申酉朔。二日反支。午未朔。三日反支。辰巳朔。四日反支。寅卯朔。五日反支。子丑朔。六日反支。辰巳朔。不受章奏。帝聞而怪曰。民廢農業。遠來詣闕。而復拘以禁忌。豈爲政之意乎。于是遂蠲其制。故吏稱其官。民安其業。遠近畏服。戶口滋殖焉。

太子烜卽位。

是爲孝章帝。

尊皇后曰皇太后。

葬顯節陵

在河南府洛陽縣東南

史臣曰。明帝法令分明。日晏坐朝。幽枉必達。內外無倖曲之私。在上無矜大之色。斷獄得情。號居前代。十一。故後之言事者。莫不先建武。永平。而鍾離意。宋均。之徒。常以察慧為言。夫豈度之未優邪。

冬十月。以趙憙為太傅。牟融為太尉。並錄尚書事。

總領眾事也。尚

書有錄名。蓋始于此。猶冢宰總己之義。

十一月。以第五倫為司空。

倫為蜀郡太守。在郡公清。所舉吏多得其人。故帝自遠郡用之。

西域攻沒都護陳睦。北匈奴圍已校尉關寵。車師叛。與匈奴共圍耿恭。詔酒泉太守段彭將兵救之。

焉耆。

居南河城。東去洛陽八千二百里。

龜茲攻沒都護陳睦。北匈奴圍

闕寵于柳中。會中國有大喪。救兵不至。車師復叛。與匈奴共攻耿恭。恭率厲士卒禦之。數月。食盡窮困。乃煮鎧弩。食其筋革。恭與士卒推誠同死生。故皆無二心。而稍稍死亡。餘數十人。單于知恭已困。遣使招恭。恭誘其使上城。手擊殺之。單于怒。益兵圍恭。不能下。寵上書求救。詔公卿會議。司空倫以爲不宜救。司徒昱曰。今使人於危難之地。急而棄之。匈奴如復犯塞。爲寇。陛下將何以使將。帝乃遣段彭將兵救之。

以馬廖

字敬平。

爲衛尉。防

字江平。

爲中郎將。光爲越騎校尉。

三人。

昔馬援子。

太后兄弟。終明帝世。未嘗改官。帝以廖爲衛尉。防爲中

郎將光為越騎校尉。廖等輕身交結冠蓋之士。爭赴趣之。第五倫上疏曰。臣聞傳曰。大夫無境外之交。束脩之饋。穀梁傳文。竊聞衛尉廖私贍三輔衣冠。知與不知。莫不畢給。臣皇恐不敢不以聞。臣今言此。誠欲上忠陛下。下全后家也。

肅宗孝章皇帝

丙子建初元年春正月。詔廩贍饑民。

時京師及兗豫徐三州大旱。詔以見穀賑給。實覈其尤

貧者。計所貸并與之。上問司徒鮑昱何以消復旱災。對曰。陛下始踐天位。雖有失得。未能

致異。臣前為汝南太守。典治楚事。繫者千餘人。恐未能盡當其罪。夫大獄一起。冤者過半。又諸徙者骨肉離分。

孤冤不祀。宜一切還諸徙家。蠲除禁錮。使死生獲所。則和氣可致。帝納其言。明年詔還坐楚及淮陽事徙者四

是典治楚事既知冤者過半當時何不即奏而隱忍隔十年因灾變始奏之以是為正其誰不能

百餘家

詔二千石勸農桑慎選舉

時承永平故事政尚嚴切尚書陳寵

字昭公沛國浚人

上疏曰

臣聞先王之政賞不僭刑不濫與其不得已寧僭無濫往者斷獄嚴切所以威懲姦慝姦慝既平必宜濟之以寬夫爲政猶張琴瑟大絃急者小絃絕陛下宜隆先王之道以濟羣生全廣至德帝深納寵言第五倫亦疏言郡國所舉類多辦職俗吏殊未有寬博之選以應上求宜務進仁賢以任時政則風俗自化又聞諸王主貴戚驕奢踰制京師尚然何以示遠故曰其身不正雖令不行以身教者從以言教者訟上善之

車師復降。罷都護。及戊己校尉官。

段彭等擊車師。斬獲數千。北匈奴驚走。車師復降。會關

寵已歿。謁者王蒙等欲引兵還。耿恭軍吏范羌時在軍

中。先是恭遣羌至敦煌迎兵。士寒服。因隨王蒙軍出塞。固請迎恭。諸將不敢前。乃

分兵二千人與羌迎恭俱歸。吏士饑困。發疏勒時。尚有

二十六人隨路死歿。三月至玉門。惟餘十三人。中郎將

鄭眾奏恭以單兵守孤城。當匈奴數萬之衆。鑿山爲井。

煮弩爲糧。殺傷醜虜數百千計。卒全忠勇。不爲大漢恥。

宜蒙顯爵以勵將帥。詔拜恭騎都尉。悉罷戊己校尉及

都護官。徵還班超。超將發還。疏勒憂恐。其都尉黎弇曰。漢使棄我。我必復爲龜茲所滅耳。以

刀自剄。至于賓王侯以下皆號泣。抱超馬脚不得行。超亦欲遂其本志。乃還疏勒。疏勒兩城已降龜茲。而與尉

鑿山煮弩與蘇武吞羶噉雪同節然以之表忠則可以此爲足延累月經年則不經至漢家典屬都尉之拜未免失旌功勵節之義矣

頭連兵。趙斬捕反者。擊破尉頭。疏勒復安。尉頭國名。前書國治尉頭谷。去長安八千六百五十里。南接疏勒。

三月。山陽東平地震。

詔舉賢良方正直言極諫之士。

秋七月。詔以上林池籟田賦與貧人。

八月。有星孛于天市。

天官書。房為天駟。東北曲二星曰旗。旗中四星曰天市。

丁丑二年春三月。詔三公糾非法。

詔曰。貴戚奢縱無度。有司莫舉。三公並宜明糾非法。在事者備為之禁。

夏四月。大旱。

上欲封爵諸舅。太后不聽。會大旱。言事者以為不封外

戚之故。太后下詔曉諭。

詔曰。昔王氏五侯同日俱封。黃霧四塞。不聞澍雨之應。夫外戚

我子先帝子之論具見前
卷馬后此語實明帝好名
之意有以啓之至馬后讓
讓實足佳然母后而有此
詔究所謂好事不如無也

貴盛鮮不傾覆。故先帝防慎舅氏。不令在樞機之位。又
言我子不當與先帝子等。今有司奈何欲以馬氏比陰
氏乎。吾爲天下母。而身服大練。食不求甘。左右但著帛
布。無香薰之飾者。欲身率下也。以爲外戚見之。當傷心
自救。但笑言太后素好儉。前過濯龍門上。見外家問起
居者。車如流水。馬如游龍。蒼頭衣綠襪。領袖正白。顧視
御者。不及遠矣。故不加譴怒。但絕歲用。冀以默愧其心。
猶懈怠。無憂國忘家之慮。知臣莫若君。况親屬乎。吾豈
可上負先帝之旨。下虧先人。固不許。帝省詔悲歎。復重
請之。太后曰。吾豈徒欲獲謙讓之名。而使帝受不外施
之嫌哉。高祖約無軍功不侯。今馬氏無功于國。豈得與
陰郭中興之后等邪。嘗觀富貴之家。祿位重疊。猶再實
之木。其根必傷。吾計之熟矣。勿有疑也。夫至孝之行。安
親爲上。今數遭變異。穀價數倍。憂惶晝夜。不安坐卧。而
欲先營外封。違慈母之拳拳乎。若陰陽調和。邊境清寧。

然後行子之志。吾但當含飴弄孫。不能復關政矣。上乃

止。

太后嘗詔三輔諸馬昏親。有屬託郡縣。干亂吏治者。以法聞。其有謙素義行者。輒假借溫言。賞以財位。其

美車服不遵法度者。便絕屬籍。遣歸田里。于是內外從化。被服如一。置織室。蠶于濯龍中。數往觀視。以爲娛樂。常與帝言政事。及教授小王論語經書。述敘平生。雍和終日。

冬十二月有星孛于紫宮。

戊寅三年春三月立貴人竇氏爲皇后。

后。勲之女也。

竇勲。融之孫。后母。卽東海恭王女沘陽公主。

馬防耿恭擊燒當羌大破之。詔徵防還下恭獄。

燒當羌反遣將軍馬防校尉耿恭擊之。

第五倫疏言。貴戚可封侯。以富

之。不可任以職事。何者。繩以法則傷恩。私以親則違憲。馬防今當西征。卒有纖介。難爲意愛。帝不從。遂降

燒當羌防還京師。拜車騎將軍。畱恭擊諸未服者。斬降

凡十三種數萬人恭嘗以言事忤防初恭出隴西上言薦竇固鎮撫涼部

由是大忤于防監營謁者李譚承旨奏恭不憂軍事被詔怨望

坐徵下獄免官

夏四月罷治滹沱注見前石曰河亦曰濊河舊自直隸正定府平山縣北東流入滹沱

今堙

初顯宗之世治滹沱石曰河從都慮音閭水經注作慮地闕至羊

腸倉今山西太原府交城縣東南有羊腸坂水經注羊腸坂在晉陽西北漢積粟在斯謂之羊腸倉石磴

縈委如羊欲令通漕才效反吏民苦役連年無成帝以

賜然故名故各水運也鄧訓字平叔禹為謁者使監領其事訓考量隱括考究量度

隱括撮其要也知其難成具以上言詔罷其役更用驢輦歲省

費億萬計全活數千人

章帝當成母后謙讓之德
斯為真孝曲封外戚以致
明德有長恨之嘆盡小節
而失大義不但可鄙且可
怪矣豈當時史氏亦不無
過甚之辭耶

巳卯四年夏四月立子慶為皇太子

五月封馬廖等為列侯

有司連據舊典請封諸舅帝以天下豐稔方垂無事遂

封三舅廖防光為列侯廖順陽侯防賴太后聞之曰吾

少壯時但慕竹帛志不顧命言慕古人書名竹帛不顧命之長短今雖已

老猶戒之在得故日夜惕厲思自降損不負先帝所以

化導兄弟共同斯志何意老志不從萬年之日長恨矣

廖等辭讓不許乃受爵而辭位皆以特進就第

六月皇太后馬氏崩諡明德合葬顯節陵

帝既為太后所養專以馬氏為外家故賈貴人不登極
位親族無受寵榮者及太后崩廼策書加賈貴人王赤

初終言章句之儒破壞大
禮可云切中時弊然白虎
奏議仍月落星替之爲耳
且世亦不傳或卽以白虎
通當之更糟粕已

綬

輿服志諸侯王赤綬貴人綠綬今加貴人以王之綬也

安車一駟宮人二百御

府雜帛二萬匹大司農黃金千斤錢二千萬而已

冬十一月詔諸儒會白虎觀議五經同異

校書郎楊終

字子山蜀郡成都人

言章句之徒破壞大體宜如宣

帝石渠故事

事具前

永爲後世則是下詔太常將大夫

博士議郎郎官及諸生諸儒會白虎觀講議五經同異

使五官中郎將魏應

字君伯任城人

承制問侍中淳于恭

海淳

奏帝親稱制臨決作白虎議奏

今白虎通

丁鴻

人

奏

帝親稱制臨決

作白虎議奏

今白虎通

丁鴻

鴻字仲恩班固

人

奏

帝親稱制臨決

作白虎議奏

今白虎通

丁鴻

鴻字仲恩班固

皆與焉

庚辰五年春二月庚辰朔日食舉直言極諫夏五月以直言士補外官

詔曰上天降異憂心慘切公卿以下各舉直言極諫能指朕過失者其以嚴穴爲先勿取浮華夏五月復詔曰朕思遲直士側席異聞其先至者各以發憤吐瀉略聞子大夫之志矣皆欲置于左右顧問省納建武詔書又曰堯試臣以職不直以言語筆札今外官多曠並可以補任

遣弛刑

徒也

義從

胡三省注自奮願從行者或曰義從胡也就班超平西域

初超率疏勒康居于窰拘彌

居寧彌城去洛陽萬二千八百里

兵萬

人攻姑墨

前書國治南城去長安八千一百五十里

石城破之斬首七百級

超欲因此叵

猶遂也

平諸國。乃上疏請兵曰。西域諸國。莫

不向化。唯焉耆龜茲獨未服從。今宜拜龜茲侍子白霸

爲其國王。以步騎數百送之。與諸國連兵。歲月之間。龜

茲可禽。以夷狄攻夷狄。計之善者也。莎車疏勒田地肥

廣。草木饒衍。不比敦煌鄯善間。兵可不費中國。而糧食

自足。且姑墨溫宿

前書國治溫宿城去長安八千三百五十里

二王特爲龜

茲所置。旣非其種。更相厭苦。其勢必有降者。若一國來

降。則龜茲自破。願下臣章。參考行事。臣超區區。特蒙神

靈。竊計未便僵仆。目見西域平定。陛下舉萬年之觴。薦

勲祖廟。布大喜于天下。書奏。帝知其功可成。議欲給兵。

會平陵人徐幹。素與超同志。上疏願奮身佐超。遂以幹

為假司馬將弛刑及義從千人就超。

先是莎車以為漢兵不出遂降于龜

茲疏勒都尉番辰亦叛超遂與幹擊番辰大破之欲

進取龜茲以烏孫兵彊宜因其力乃上言烏孫大國控

弦十萬可遣使招慰與共合力帝納之

辛巳六年夏六月辛未晦日食。

壬午七年春正月沛王輔等來朝。

帝以諸王將入朝遣謁者賜貂裘食物珍果又使大鴻

臚持節郊迎帝親自循行邸第豫設帷牀錢帛器物無

不充備既至詔沛

名輔濟南

名康

東平

名蒼

中山

王

皆光武子

贊拜不名升殿乃拜上親答之每入宮輒以輦

迎至省閣乃下上為之興席改容皇后親拜于內皆鞠

躬辭謝不自安。

三月諸王歸國詔留東平王蒼于京師已而有司復奏遣蒼歸國手詔蒼曰骨

月天性誠不以遠近為親疎然數見顏色情重昔時念王久勞思得還休欲署大鴻臚奏不忍下筆顧授小黃門中心戀戀惻然不能言于是車駕親送流涕而別

夏六月廢太子慶為清河王立子肇為皇太子

初帝納扶風宋楊

宋昌七世孫楊姑即明德皇后之外祖母也

二女為貴人

大貴人生太子慶梁竦

字叔敬松之弟

二女亦為貴人小貴人

生皇子肇寶皇后無子養肇為子宋貴人有寵于馬太

后太后崩寶皇后寵盛謀陷宋氏誣言欲為厭勝之術

乃廢慶為清河王以肇為皇太子出宋貴人使小黃門

蔡倫

桂陽人

按之皆承風旨傳致其事二貴人皆飲藥自

殺

慶時雖幼亦知避嫌為禍言不敢及宋氏帝憐之勅皇后令衣服與太子齊等太子亦親愛慶入則共室

出則同與太子肇既立梁氏私相慶皇后以是忌梁貴人數譖之陷竦以惡逆死獄中家徙九真而貴人皆以

憂死。

秋九月。帝如偃師。遂至河內。

詔曰。車駕行秋稼。觀收穫。因陟郡界。皆精騎輕行。無他輜重。不得輒修道橋。遠離城郭。遣吏逢迎。刺探起居。出入前後。以為煩擾。動務省約。但患不能脫粟瓢飲耳。所過欲令貧弱有利。無匿詔書。是冬十月。帝幸長安。封蕭何末孫熊為鄼侯。十二月。

還宮。

癸未。

八年春正月。東平王蒼卒。

諡曰獻。范書作憲。今依通鑑從袁紀。

初。帝欲為原陵。顯節陵。

注俱見前。

起縣邑。蒼上疏切諫。以為

園邑之興。始自彊秦。古者邱隴。且不欲其著明。况築郭邑。建都郭哉。虛費國用。動搖百姓。非所以致和氣。祈豐

年也。帝乃止。自是朝廷每有疑政。輒使諮問。蒼悉心以對。皆見納用。至是薨。詔告中傅。封上王自建武以來章奏。並集覽焉。

馬廖。馬防有罪。免官就國。

馬廖謹篤自守。而性寬緩。不能教勅子弟。皆驕奢不謹。

楊終與書戒之曰。黃門郎年幼。血氣方盛。既無長君退讓之風。而要結輕狡。無行之客。鑒念前世。可爲寒心。廖

不防。光大起第觀。食客常數百人。防又多牧馬畜。賦斂

羌胡。帝數加譴勅。禁遏甚備。由是權勢少損。賓客亦衰。

廖子豫投書怨誹。于是有司并奏防光兄弟。悉免就國。

光比防稍爲謹密。帝特畱之。後復有詔還廖京師。諸馬既得

罪。竇氏貴益盛。皇后兄憲弟篤。喜交通賓客。第五倫上疏曰。竇憲椒房之親。典司禁兵。出入省闈。年盛志美。卑

讓樂善。然諸出入貴戚者。類多瑕釁。禁錮之人。尤少守約安貧之節。更相販賣。雲集其門。蓋驕佚所從生也。三輔論議者。至云。以貴戚廢錮。當復以貴戚浣濯之。猶解醒當以酒也。臣願陛下中宮嚴勅。憲等閉門自守。無妄交通士大夫。防其未萌。令憲永保福祿。此臣之至願也。憲以賤直奪沁水公主園田。後發覺。帝大怒。召憲切責。曰。深思前過。奪主園田。時何用愈。趙高指鹿為馬。久念使人驚怖。國家棄憲。如孤雛腐鼠耳。憲大懼。皇后為毀服深謝。良久乃得解。使以田還主。雖不繩其罪。然亦不授以重任。雒陽令周紆。下車先問人姓名。吏數間里豪彊。以對。紆厲聲曰。本問貴戚。若馬竇輩。豈能知賣菜傭乎。于是貴戚跼蹐。京師肅清。竇篤常從宮中歸。夜至止姦亭。亭長遮止之。篤蒼頭與爭。亭長拔劍肆詈。詔遣劍戟士收紆。送廷尉。詔獄數日。黃出之。賣憲字伯度。沁水公主。明帝女。周紆。字文通。下邳徐人。

以班超為西域將兵長史。

帝拜班超為將兵長史。以徐幹為軍司馬。別遣衛候李邑護送烏孫使者。邑到于賓。值龜茲攻疏勒。恐懼不敢

帝信超不入讒言超為國
不校私憾實兩得之其遭
遇蓋出馬援祭彤上矣

前因上書陳西域之功不可成。又盛毀超擁愛妻抱愛
子安樂外國。無內顧心。超聞之歎曰。身非曾參而有三
至之讒。恐見疑于當時矣。遂去其妻。帝知超忠。乃切責
邑。令詣超受節度。超即遣邑將烏孫侍子還京師。幹謂
超曰。邑前毀君欲敗西域。今何不緣詔書留之。更遣他
吏送侍子乎。超曰。是何言之陋也。以邑毀超。故今遣之。
內省不疚。何卹人言。快意留之。非忠臣也。

以鄭弘

字巨君。會稽山陰人。

為大司農。

舊交趾貢獻皆從東冶。

本閩越地。漢置冶縣。後漢曰東侯官。故城在今福建福州府閩

縣。

汎海而至。風波艱阻。沉溺相繼。弘奏開零陵桂陽。

俱

見嶠嶺也。

道自是夷通。遂為常路。在職二年。所省以億

萬計。遭天下旱。邊方有警。民食不足。而帑藏殷積。弘又奏宜省貢獻。減徭費。以利饑民。帝從之。

